

103
3

THOMÆ CAMPEGII
BONONIENSIS EPI-
SCOPI FELTREN.

DE COELIBATV.

SACERDOTVM NON

ABROGANDO.

Secr.




et non respexit



Beatus uir cuius est Dominus spes eius,

in uanitates et infanias falsas.

VENETIIS, Ad signum Spei. M. D. LIII.



THOMAS CAMPBELL

BOOKSELLER

22, N. 2ND ST.

DE CORTI RIVA

SALESMAN


7, ARNO ARBORE - 1800



1800



1800



REGINALDO POLO S. R. E.

Cardinali Illustrissimo & Reuerendis-

simo, & Apostolicę Sedis Legato

Thomas Campegius Bo-

noniē, Episcopus

Feltren. S. D.



Libellum de Coelibatu, quem quinto
ab hinc anno Amplitudini tuę le-
gendum prębueram, duabus de cau-
sis apud me retinendum duxeram:
tum ne solus in publicum prodiret,
cum ei comites pararem, ut simul
prodeuntes se uicissim tueri possent: tum uerò, ut inter-
iecto temporis interuallo, si qua commutatione digna
uiderentur, ea agnoscerem, & commutarem. quo quia
dem tempore nonnulla detraxi: plura (ut mea fert opi-
nio) in melius commutauī: quędam, quę non erant
omittenda, etiam addidi. Hoc uerò tempore incredibili
letitia, qua tota Christiana Respub. exultat ego quoque
sum affectus; posteaquā accepi, Dei Opt. Max. mu-
nere, ac Serenissimę Reginę Marię integritate ac san-
ctitate, (quę à uero Dei cultu uerāq; religione nullius
quidem authoritate quauis maxima, aut impulsu deter-
reri potuit) esse factum; ut Britannię regnum, cuius
cum Regibus intimo affinitatis uinculo es coniunctus,
discussis tenebris hisq; obscurioribus ueram lucem con-
spicere cœperit: ac in omnibus frē rebus ad ueram
Ecclesiā, quę unica est omnium Christi fidelium ma-

ter ac nutrix, se retulerit. Sed cum duo præcipuè ei des-
sint, ne ad ueræ & sanctissimæ religionis perfectionem
peruenerint; sacerdotum scilicet Cœlibatus, & Roma-
ni Pont. auctoritas; faciendum esse duxi; ut tuo auspi-
cio fretus, libellum de non abrogando sacerdotum Cœ-
libatu, à te iam antea lectum hac occasione oblata præ-
ter opinionem meam ederem, tibiq; dedicarem: quem
minime uereor, quin pro tua humanitate ac probitate
tuendum suscipias: quippe qui non solum ea dignitate
ac auctoritate, quæ in te permagna sunt, sed etiam ea
castitate, sanctumonia ac religione adhuc uixisti, ut sint
innumeri, qui te non solum castum & continentem, sed
etiam uirginitate præditum meritò existiment & pu-
tent. Venit igitur ad te libellus iste, ut tua auctoritate
ac patrocinio eum ita tutum conserues, ut improborum
lingua nullo ueneno eum aspergere possit. Te enim eo
non indigere perspicio; qui maxima prudentia, sapien-
tia, ac rerum omnium scientia & usu præditus faciliè
tuos Britannos & monere & persuadere poteris, ne
legem Cœlibatus sacerdotum, abrogari uelint aut cu-
piant: sed eam potius studio dignam & sequantur, &
amplectantur. Sed quid dixi tuos Britannos, cum no-
stros dicere potuisssem? Meos enim existimo propterea
quòd eos omnes summo semper amore sum prosecutus.
Posteaquàm xxxiiij. ab hinc anno unà cum Laurentio
Cardinali Campegio germano meo Leonis Pont. &
Apostolicæ Sedis Legato in eam insulam me contali,
ubi per annum & aliquot menses commoratus benia-
gne humaniter, liberaliterq; à sanctissimis illis Episco-

pis & Illustribus Principibus & Proceribus, & cunctis nobilibus sui acceptus, & in primis ab ipso etiam Henrico viij huius Serenissimæ Reginæ parente; apud quem Orationem habui de pace inter Christianos Principes concilianda, deq; sanctissima in Christiani nominis hostes expeditione suscipienda. Horum benignitas ita me eis deinxit ut cum eorum memoriam nunquam deposuerim, meritò meos appellare & possim & uelim. Tu igitur Cardinalis dignissime huius libelli tuendi munus suscipe; comites uerò eius interea apud me erunt: qui cum cognouerint hunc eorum prænuntium & germanum legentes studio & plausu fuisse complexos, tunc etiam ipsi è carcere & latebris prodibunt alacres. Sin autem pauentes ac timidi apud parentem suum latebunt, expectantes tempus, quo pretiosiori ueste induti se hominum conspectui exhibere possint & ualeant. Vale Amplissime Pater, Tuumq; Feltreñ. Episcopum ama, & tua autoritate foue atque defende.

1. The first part of the book is a general introduction to the subject of the history of the world, and is divided into three chapters. The first chapter is on the origin of the world, and the second chapter is on the progress of the world. The third chapter is on the present state of the world.

INDEX EORVM, QVÆ IN HOC
LIBELLO CONTINENTVR.

- 1 N Il laudabilius, q̃ quod ab omnibus laudatur.
- 2 Virginitatem apud omnes gentes, omni atate, & omnibus legibus fuisse cōmendatam.
- 3 Virgines fuisse Heliam, Hieremiam, Helisæum filios prophetarum, & Io. Baptistam.
- 4 Christus Iesus suo exemplo monstrauit quanti facienda sit Virginitas; qui nedū ipse uirgo fuit, sed virginem matrem habere uoluit, & adoptiuum patrem,
- 5 Virgines fuisse cōplures apostolos, ut filios Zebedei, & Paulum; & non approbatur sententia Clementis Alexandrini. & quorūdam aliorum asserentium Paulum habuisse uxorem.
- 6 Vestales uirgines, & Sybillas uirgines fuisse.
- 7 Testimonium Cypriani, Athanasij, Ambrosij, Basilij, Hieronymi, & Augustini, quāti facienda sit uirginitas.
- 8 Virginitate homines angelis assimilari.
- 9 Interpretatio loci Esaia, Deum pollicitum ihs, qui se castrauerunt, se daturum in domo sua, & in muro suo locum nominatum meliorem multo q̃ filiorum & filiarum &c.
- 10 Interpretatio loci Apoca. Hi sunt, qui cum mulieribus non sunt coinquinati &c.
- 11 Telenſis concilij testimonium de Virginitate.
- 12 Quomodo non impar est meritum continentia

in Ioanne, qui nullas expertus est nuptias; & in
Abraham, qui filios generauit.

13 Mandatum Dei, Crescite, & multiplicamini, nihil
detrahete Virginitati.

14 Quomodo portauimus imaginē hominis qui de
limo, portemus & imaginem eius, qui de cēlo.

15 Mandatum uniuerſitati, non cenſeri mandatum
ſingulis de uniuerſitate: propterea ſatis eſſe mā
datum illud, Crescite &c. ab aliquibus impleri.

16 Non propterea Matrimonium dignius Virgini-
tate, quòd unum ſit ex ſacramentis eccleſiæ.

17 Martyrium dignius Matrimonio, & Virginitate;
quod ſacramentum non eſt.

18 Cur Plato dijs ſacrificauit, ut perpetuæ continen-
tiæ crimen aboleretur.

19 Non digniores nuptias, quòd ex his Virgines na-
ſcantur.

20 Etſi honorabile ſit coniugium, & torus immacu-
latus, & caſtitas nuncupari poſſit cum propria
uxore cōcubitus, uirginitati tamē comparatū,
immunditiem fore & turpitudinē quandam.

21 Conſilium Gregorij, q̄ uir cum uxore dormiens,
non niſi luſtratus aqua eccleſiam ingrediatur;

22 Non carere uerecundia etiam coniugalem concu-
bitum.

23 Cur homines pudeat etiam cum coniuge cōcum-
bere, non autem cibum ſumere, aut alia natu-
ræ opera.

24 Petrum, & alios Apoſtolos, qui ante uocationem

uxores habebant, post uocationem ab uxoribus abstinuisse.

- 25 Tantum præstare Coelibatum coniugio, quantū anima corpori, & uita contemplatiua actiua.
- 26 Non formidandum omnes admissuros Pauli consilium, optantis homines fore cēlibes, & exinde periturum hominum genus.
- 27 Testimonia philosophorum, poetarum & aliorū æthnicorum, decere qui sacra faciunt, castos & continentes fore.
- 28 Incommoda coniugij ex Basilio.
- 29 Tempore apostolorum uxorati promouebantur ad sacerdotium: & ex post per annos cccc. & causę propter quas id permissum fuerat.
- 30 Siritius Pont. primum statuit sacerdotes cēlibes esse debere.
- 31 Quomodo Siritius reprehendit & puniendos decernit eos qui ante suam constitutionē ex proprijs uxoribus filios susceperant.
- 32 Quomodo noua constitutio quandoque trahatur ad præterita.
- 33 Confirmatio decreti Siritij p Innocentiū primū.
- 34 Cur sacerdotes ueteris legis uxores habebant.
- 35 Decreta conciliorum Carthagineñ. v. Toletan̄ primi Agatheñ, Arausiēñ & Arelateñ de sacerdotum cēlibatu.
- 37 Longe diuersum fore decernere coniugatos, qui post coniugiū promoti fuerant ad sacerdotiū cogere ad cēlibatum quod authore Paphnutio.

- noluit decernere Nicenum concilium, & decernere coniugatos non amplius assumendos ad sacerdotium nisi de uxorum consensu.
- 37 Sicut liberum est cuique suscipere sacros ordines, sic liberum est carere uxore, propterea lege cœlibatus neminem astringi ad continentiam.
- 38 Quo tempore coniugati ad sacerdotium assumebantur, non licebat sacerdotes uxores ducere.
- 39 Id comprobatur testimonio conciliorum Romani sub Syluestro Toletani. v. & octavi Calixti Primi, Innocenti, ij. Nicolai primi, Leonis: alio decreto Inno. ij. & Inno. iij.
- 40 Item testimonio Aureliane. conciliorum secundi & tertij.
- 41 De cœlibatu monachorum decreta conciliorum Turone. ij. & Toletani. iij. necnon Inno. ij.
- 42 De sacratis uirginibus conciliorum Arelate. primi, Carthagine. iij. Calcedone. Parisi. Matifcone. Triburie. & Inno. ij.
- 43 Homines non necessario duci a naturali instinctu sicut cœtera animalia, quæ uniformiter agunt, sed sponte & pro arbitrio.
- 44 Sicut naturale est homini filiorum propagatio, & maris cum femina coniunctio, ita ei naturale est, qd sponte agat, & abstinere possit.
- 45 Licet ius naturale & ius diuinum in uniuersum tolli non possit, quandoq; tamen limitari & declarari posse.
- 46 Arbitrij nostri est adiuuante diuina gratia natu-

- rali concupiscentiæ non assentire & naturali de-
siderio resistere.
- 47 Magis dedecet hominē non posse à libidine tem-
perare q̃ ab ira ex Aristot. sententia.
- 48 Declaratio loci Pauli, Vnusquisque habeat suam
uxorem. & illius. Melius est nubere q̃ uri.
- 49 Licet arbitrij & facultatis nostræ non sit carere
concupiscentia & stimulo carnis nobis conge-
nitis, & ea nulla lege tolli possint: nostræ tamen
facultatis est & nobis etiam connaturale illis nō
assentire cum uolumus.
- 50 Quomodo continentia sit donum Dei, nec omnes
capiant hoc uerbum sed ij, quibus datum est.
- 51 Non oportet dicere, nō possum continere; nec ac-
cusare conditorem q̃ ei donum castitatis non
dederit.
- 52 Uxorem ducere non esse unicum remedium ad-
uersus stimulum carnis, & si esset unicum lice-
ret aliquibus duas uxores ducere.
- 53 Falso asseritur antiqua concilia non prohibuisse
coniugia sacerdotum, & contracta non dissol-
uisse seu pro irritis & nullis non habuisse.
- 54 Declaratio decreti Grangē. concilij, Siquis dixe-
rit presbyterum coniugatum quasi propter nu-
ptias offerre non debere, & ab eius oblatione
ideo abstinet, anathema sit.
- 55 Coelibatui sacerdotum non detrahere locum Pau-
li, Spiritus autem manifeste dicit, quia in no-
uissimis temporibus discedent quidam à fide

attendentes spiritibus errorum, & doctrinis demoniorum in hypocrisi loquentium mendacium, & cauteriatam habentium suam cōscientiam, prohibentium nubere.

56 Et si matrimonium mundum sit, & uerbo Dei benedictum ac sanctificatum, non tamen licere sacerdotibus uxorem ducere.

57 Quomodo interpretari debeat locus Esaia, Mundamini qui fertis uasa Domini.

58 Pelagius confirmauit electionem Siracusani Episcopi, qui uxorem habebat & filios, ex eo quod Græci uxoratos à sacerdotio non repellunt, & siculi ritum Græcorum subsequebantur.

59 Basilij pater uxorem habuit.

60 Policrates Ephesi Episcopus dixit, Et ego omniū ueltrum minimus traditionē parentum meorum obseruo. Septē enim ex parentibus meis per ordinem fuerunt Episcopi, ego octauus.

61 Quomodo sacerdotes Græcorum licite uxorem retineant.

62 Cause propter quas sacerdotibus & leuitis in lege ueteri per mittebantur coniugia, non itidem in lege gratiæ.

63 Declaratio decreti Ancirani cōcilij, quo habetur. Diaconi quicumque ordinantur, si in ipsa ordinatione protestati sunt dicentes se uelle uxores habere, nec posse continere; si hi postea ad nuptias puenerint, manere possunt in ministerio, propterea quod his licentiam Episcopus dederit.

- 64 Declaratio decreti Stephani Papæ, quo uidetur
licere sacerdotibus græcis uxorem ducere, non
tantū habentes uxores fieri posse sacerdotes.
- 65 Declaratio loci Aug. cum dixit, Quidam nuben
tes post uotum asserunt adulteros esse, Ego au
tem dico uobis quòd grauiter peccant qui tales
diuidunt.
- 66 Cur solenne uotum dirimat cōtractum matrimo
nium non autem simplex etiam si intercesserit
iuramentum.
- 67 Declaratio decreti Celestini. iij. q. uotum simplex
non minus obligat, quàm solenne aut cum iu
ramento.
- 68 Quòd adfit uotum in sacrorū ordinum susceptio
ne, licet dūtaxat promittatur castitas quatenus
humana fragilitas permiserit.
- 69 Declaratio loci Aug. Continentiam ministrorū
inter consilia numerandam.
- 70 Sicut liberum est cuiq; esse sacerdotem, sic liberū
est unicuiq; uirginem esse aut continentem.
- 71 Adhortatur Basilius nequis citra examinationem
uoto castitatis se astringat, ne inopinatis se ip
sum immittens certaminibus deinde impotens
existens ad resistendum, inueniatur recurrens
ad ea, à quibus egressus est cum pudore & risu,
& animæ condemnatione.
- 72 Interpretatio decreti sextæ Synodi, quo cauetur,
Vt præsbyter uel diaconus qui religionis causa
uxorem expulerit, excōmunicetur; si uerò in

I N D E X

hoc perseverauerit, deponatur.

- 73 Non improbandum q̄ vouentes cōtinentiam sese exponant continuę pugnæ, & grauissimis incontinentiæ periculis.
- 74 Vouentibus castitatem cum Aug. dicendum, Nō te uouisse peniteat, imò gaude iam tibi non licere quod cum tuo detrimento licuisset: Felix necessitas, quæ ad meliora compellit.
- 75 Declaratio decreti Chalcedonen. concilij, q̄ Monachis qui nuptias contraxere, cōfitentibus habeat authoritatem eiusdem loci Episcopus misericordiam humanitatemq; elargiri.
- 76 Quomodo intelligendum sit quod dixit Cyprianus de mulieribus, quæ castitatem promiserunt, si perseverare nolunt, aut nō possunt melius est ut nubant, q̄ ut in ignem delictis suis cadant.
- 77 Item illud Toletan. concilij, Tolerabilius esse stultitię promissionis uota reiicere, q̄ per inutilium promissorum custodiam criminum implere mensuram.
- 78 Quando liceat non seruare uotū aut iuramentū.
- 79 Cur liceat propter uitæ periculum soluere ieiunium, non autem à continentię uoto recedere.
- 80 Spiridonis Episcopi Cypri exemplum.
- 81 Non abrogandum decretum Cœlibatus, nec relinquendos sacerdotes, q̄ pro arbitrio nuptias contrahant, aut contineant.
- 82 Votum castitatis non esse ordini sacerdotali essentialiter annexum.

- 83 Manere matrimonium etiam si maritus consentiente uxore fiat sacerdos aut monachus.
- 84 Quandoq; maritus factus monachus consentiente uxore ab Episcopo compelli potest recipere uxorem.
- 85 Etsi Ecclesia statuere possit, ne in posterum à promouendis continentiae uotum exigatur, non tamen id statuendum.
- 86 Non abroganda lex q; à pluribus uioletur.
- 87 Absit, ut quod propter bonū & licitum facimus, si quid propter hoc præter nostram uoluntatē cuiq; mali acciderit, nobis imputetur.
- 88 Transgressio legis tollenda est ex qua mala proueniunt, non ipsa lex.
- 89 Non omnis illiciti coitus occasio tolleretur abrogata lege cœlibatus.
- 90 Lex bona non obest, sed eius transgressio.
- 91 Medicina à medico data retinenda nō abijcienda.
- 92 Sanctus Thomas nō eius fuit sententiæ, quòd lex cœlibatus abrogaretur.
- 93 An ex urgente necessitate aut euidenti utilitate liceat casu aliquo dispensari, ut sacerdos uxorem ducat.
- 94 Quę dispensationem suscipiunt, & quę non admittant.
- 95 Est dare casum in quo obseruatio castitatis esset contra charitatem.
- 96 Exempla quorundam monachorum cum quibus ab Apostolica sede fuit dispensatum, ut

I N D E X

uxores ducerent.

- 97 Declaratio decreti Inno.iii. q. abdicatio proprietatis sicut & custodia castitatis adeo est annexa regulę monachali, ut contra eam nec summus Pont. possit licentiam indulgere.
- 98 An Papa dirimere possit matrimonium carnali copula confirmatum.

DE COELIBATV SA:

CERDOTVM NON AB-

ROGANDO, THOMÆ

CAMPEGII EPISCO.

PI FELTRENSIS.

*



Ogit quandoque hominum
puicacia & incredulitas acta
(ut aiunt) agere, & lumen in-
ferre soli; clarissima scilicet in
dubium reuocare. Sic David
corinthes cum ex respōsis cōlestibus certissimū
de uictoria & liberatione Ceilæ coegerunt, ut
denuò Deum cōsuleret. Primo Reg. ca. xxij.
Sic ætate nostra qui Cœlibatū improbant, &
legem Cœlibatus sacerdotū abrogandam cen-
sent, post tot sanctissimorum Patrum testimo-
nia, post tot sacrorum Conciliorum sanctissi-
ma decreta nos cogunt, ut de his denuò dissera-
mus. De Cœlibatus igitur partibus, de quibus
Diuus Paulus Primæ ad Corinth. cap. vn. nos
docuit, sermonem habituri statuemus primò
Virginitatem: deinde abstinentiam in matri-
monio: tertio Cœlibatus nobilitatem & utili-
tatem ostendemus: & ex his docebimus non
abrogandam legem Cœlibatus: postremò ad-
uersariorum obiecta dissoluemus.

A

Sumentibus itaq; nobis exordium à Virginitate
 præfari liceat quod scitè Diuus Ambrosius in
 libro de Virgini. scriptum reliquit. Nihil esse
 laudabilius, quàm quod ab omnibus laudatur:
 qualem Virginitatem esse compertissimū est:
 quæ omni ætate, apud omnes gentes, omnibus
 legibus ad sydera extollitur. Nam (ut auream
 illam ætatem prætereamus; in qua ex Hiero-
 nymi sententia primi homines ante lapsum in
 terrestri paradiso uirgines fuere; & Abel, qui
 uirgo fuit, innocentiam) nonne illam uenerati
 sunt antiquæ legis præcipui Heroes religionis
 nostræ? Virgines enim fuere Helias, Hiere-
 mias, Heliseus; uirgo Daniel, & filij Prophe-
 tarum, si Hieronymo credimus: ad Eustochium
 de custodia Virginitatis uirgo & Io. Baptista,
 ut Essenos omittamus. Foelicissimo autē tem-
 pore promulgati euangelij quanti facienda sit
 Virginitas suo exemplo monstraui Christus
 Iesus: qui & uirgo ipse fuit: uirginem matrem
 habuit: uirginem adoptiuū patrem. Virgines
 complures Apostoli, ut filij Zebedæi, & uas
 electionis Paulus. Eum enim fuisse uirginem
 Ambrosius, & Hieronymus uerisimiliter cre-
 dunt, ea ratione, quòd adolescens erat, cum uo-
 ce cœlitus demissa uocatus fuit, Luca id atte-
 stante Act. viij. cū dixit. Et testes deposuerunt
 uestimenta sua secus pedes adolescentis, qui

uocabatur Saulus, Non enim multo post lapidationem Stephani uocatus fuit. Proinde Ambrosius in illum locum primæ ad Corin. ca. vii. Bonum est illis, si sic permanserint, sicut & ego. inquit. Non diceret, Bonum est innuptis, sicut & ego; nisi esset integer corpore. Si enim habuit uxorem & hoc dixit, uirgines esse noluit, sed absit. Sic enim à pueritia spiritui seruiuit; ut huius rei studium non haberet: quippe qui iuuenculus anticipatus sit à gratia Dei. Nec placet sententia interpretantium hoc dictum ad Corinth. de uiduis, non de uirginibus: & Paulum prius uxorem habuisse, ex eo quod ipse dixit ad Philippen. cap. iij. Etiam rogo & te germana compar, adiuua illas; quæ mecum laborauerunt in euangelio. Quoniam cum ad Philippen. scripsit Roniæ erat; & prius ad Corinth. scripserat. Non itaque prædefuncta erat eius uxor, cum ad Corinthios scripsit: si in humanis erat, cum ad Philipenses. Propterea locus ille non de uxore, sed de socio interpretandus. Nec legendum Germana, sed Germane, ut ex sententia Chrysostomi interpretatus est Theophylactus. Nil mirū, si à Clemente Alexandriū. & quibusdam forsitan alijs de hac re dissentimus. Nam de Origene non est quod quis obijciat, cum id asserere non audeat. Sed (ut reuertamur unde digressi sumus) nec enī detrahitur Virginitati, si Paulus perpetuò uir-

DE COELIBATV SACER.

6 go nō fuisset. Nulla fuit tam barbara gens, quę hanc pulcherrimam uirtutem non magnifice-
rit. Romani enim in summo pretio habuere
Vestales uirgines; uniuerſus orbis decem, uel
(ut alij uolunt) undecim Sybillas: quod nomē
(ut rectē admonuit Hieronymus contra Ioui-
nia.) ostendit uirginitatis excellentiam. Hoc
idem nos docent omnium leges, sed præcipuē
Iustiniani Imperat. in Auten. de Lenonibus .s.
fancimus. cola. iij. Qui damnans & puniens Le-
nocinium inquit. Castitas sola Deo cum fidu-
cia possibilis est hominū animas præsentare.

7 **Q**uanti etiam meritō faciendā sit Virginitas nos
docuere Ecclesiastici scriptores, & in primis
Cyprianus, cum Tractatu de habitu uirginū
dixit. Nunc nobis ad uirgines sermo est; quarū
quò sublimior gloria est, maior cura: flos est
ecclesiastici germinis, decus & ornamentum
gratię spiritualis, illustrior portio gregis Chri-
stiani.

Hunc subsequitur Athanasius libro de uirgini. cū
uirginem alloquitur his uerbis. Memento cui
oporteat te exhiberi: grauis est exercitatio: dif-
ficilis continentia; sed nihil dulcius cęlesti spor-
so: hic laboramus paulisper: illic autem uitam
æternā recipiemus. Ait enim sanctus Paulus.
Roma. viij. Non sunt cōdignę pāsiones huius
temporis ad futurā gloriam; quę reuelabitur
in nobis. Bonum est effugere turbas, & recede-

re in solitudinem; magna uirtus continentia, magna gloria castitas, magna sunt uirginitatis preconia. ò Virginitas corona immarcescibilis. ò Virginitas templum Dei, & spiritus sancti domicilium. ò Virginitas margarita pretiosa apud multos latens; à paucis uerò inuenitur. ò continentia amica Dei, & apud sanctos laudata. ò continentia uulgò inuisa; sed his, qui te digni sunt, nota. ò continentia mortem & inferos effugiens, & immortalitati adhærens. ò continentia gaudium prophetarum, apostolorum gloria. ò continentia angelorum uita, & sanctorum hominū corona. Beatus qui te tenet; beatus qui per sapientiam tibi cōstanter adhæret.

Quid Ambrosius? nonne libro de Virgini. inquit? Pulchritudinem quis potest maiorem existimare decore uirginis? quæ amatur à Rege, probatur à iudice, dedicatur domino, consecratur Deo; semper sponsa, semper innupta; ut nec amor finem habeat, nec damnum pudor: hæc autem perfecta pulchritudo est, quæ sola meretur audire à domino. Tota formosa es.

8 Magnus etiam Basilius libro, quem de Virginitate scripsit, inquit. Hi profectò qui uirginitatē seruant, angeli sunt; qui uiuentes in carne corruptibili mortalium uitam illustrando tuentur; angeliq; sunt non obscuro aliqui, sed illustres atque nobilissimi. Illi enim nexibus carneis liberi integritatem suam in cēlis seruant & loco

DE COELIBAT V SACER.

& natura inuiolabiles, & apud summū regem omnium constituti. At uerò isti in terra carnis illecebris & uoluptatibus diu reluctantes, ac diaboli tentamēta perpetua exercitatione uincentes incorruptionem angelicæ puritati parē uirtute præcipua ante creatoris oculos custodierunt.

His subscribit Hieronymus in lib. de Viduitate cum dixit. Supergreditur uirginitas conditionem naturæ humanæ; per quam homines angelis assimulantur: maior tamē est uictoria uirginum, quàm angelorum. Angeli enim sine carne uiuunt: uirgines uerò cum carne triumphant. Et sermone de Assumptione ait. Profecto in carne præter carnem uiuere non terrena uita est, sed cœlestis. Vnde in carne angelicam gloriam acquirere maioris est meriti, quàm habere. Esse enim angelum felicitatis est; esse uerò uirginem, uirtutis: dum obtinere nititur cū gratia, quod habet angelus ex natura.

Propterea Augustinus de Virginitate. Cap. xxiiij. xxiiij, & xxv. magna uoce clamat. Christus dicit, ueritas dicit, sapientia Dei dicit, eos qui pio proposito ab uxore ducenda se continuerint, castrare seipso propter regnum cœlorum. His spadonibus Deum per Isaiam pollicitum se daturum in domo sua, & in muro suo locū nominatum meliorem multo quàm filiorum & familiarū, nomen sempiternum; quod nō deficiet,

9 Nec placent qui loco illo Isaiaꝝ interpretantur per eunuchos illos, non coelibes, sed gentilem populum; qui filios Deo non generabant. Verisimile est enim de ijs uaticinatum Isaiaꝝ; de quibus postea locutus est dominus cum dixit Matth. cap. xix. Sunt eunuchi, qui se castrauerunt propter regnum coeloru. De gentili enim populo, & neophitis prius locutus fuerat, cum de alienigenis mentionem fecit, quos filios aduenæ uocat. Eunuchos autem enumerat uelut diuersos à prioribus. Propterea magis placet interpretatio Hieronymi, Augustini & aliorum, qui locum illum de castis & continentibus interpretantur.

- 10 Accedit locus Apocal. cap. xiii. de ijs qui coronâ & aureolam promeriti sunt, ex eo quòd cū mulieribus non sunt coinquinati; qui sequentes agnum cantabant quasi canticū nouū ante sedem & ante quattuor animalia & seniores; & nemo poterat dicere canticum, nisi illa centum quadraginta quatuor milia qui empti sunt de terra, de quibus subijcitur. Hi sunt qui cū mulieribus non sunt coinquinati. Licet sint qui de uirginitate animi omnium beatorum locum istum interpretentur; quam integram fieri uel per baptismum, uel per poenitentiam dicunt. Sed cum de mulierum cōmixtione dixisset, probabilius uidetur loqui de uera uirginitate; ut ad eam homines incitet; de quibus ob meri-

DE COELIBATV SACER.

tuin uirginitatis ait. Hi sequuntur agnū, idest Christum, quocunque ierit.

- 11 Deinde (ut alia in præsentiarum omittamus testimonia) legamus Telenſe Concilium cū reſcribens Siritio Rom. Pont. dixit. Agreſtis ululatus eſt nullam uirginitati gratiam, nullum caſtitaſis ordinem reſeruare: promiſcuè omnia uelle confundere, diuerſorum gradus abrogare meritorum; & paupertatem quandam cœleſtium remunerationū inducere: quaſi Chriſto una ſit palma, quā tribuit, ac non plurimi abundant tituli præmiorum. Simulant ſe iſti condonare coniugio: ſed quæ poteſt laus eſſe coniugij, ſi nulla uirginitati eſt gloria? Neque uerò nos negamus ſanctificatum eſſe à Chriſto coniugium diuina uoce dicente. Erunt ambo in carne una & in uno ſpiritu. Sed prius eſt quòd nati ſumus, quàm quòd effecti: multoq; præſtantius diuini operis myſterium, quàm humanæ fragilitatis remedium. Iure laudatur bona uxor; ſed melius pia uirgo præfertur, dicente Apoſtolo. Qui matrimonio iungit uirginem bene facit: qui non iungit, melius facit. Hæc enim cogitat quæ Dei ſunt, illa quæ mundi: illa coniugalibus uinculis colligata eſt, hæc uinculorum libera: illa ſub lege, iſta ſub gratia. Bonum eſt coniugium, quo eſt inuenta poſteritas ſucceſſionis humanæ: ſed melior uirginitas; per quā regni cœleſtis hæreditas acquiſita,

& cœlestium præmiorũ reperta successio. Per mulierem cura successit: per uirginẽ salus euenit. Denique speciale donum uirginitatis sibi Christus elegit; & integritatis munus exhibuit; atque in se representauit, quod elegit in matre.

- 12 Nec præmissis repugnat quod dixit Augustinus lib. de bono coniug. ca. xxij. Non impar est meritum continentię in Ioanne, qui nullas expertus est nuptias, & in Abraham; qui filios generauit. Quoniam illud est, quia Abraham sic erat animo dispositus, ut paratus esset uirginitatem seruare, si illud fuisset tempori congruũ. Nil mirum si Abrahę coniugalıs continentię meritum æquatur merito uirginali Io. Baptistę. Propterea dixit idem Augustin. eodem libro uirginem instruens. Ego non sum melior Abraham: sed melior est castitas cœlibum castitate nuptiarum. Addens rationem. Quod enim nunc ago, melius ille egisset, si tunc agendum fuisset. Cui consonat quod dixit Hieronymus. Quomodo Abraham ante placuit in coniugio, sic uirgines placent in castitate: seruiuit ille legi, & tempori suo; seruiamus & nos legi & tempori nostro.

- 13 Ex his diluitur id, quod à nõnullis obijcitur. Mandatum Dei esse Gene. ca. primo, & ix. Crescite & multiplicamini. Et tempore legis fuisse maledictum, qui semen super terram non re-

DE COELIBAT V SACER.

linquebat : beatum autem qui haberet semen in Syon, & domesticos in Hierusalem : & maledictam sterilem quæ nō pariebat. De habente autem sobolem dictum Psalmo. cxxvij. Filij tui sicut novellæ oliivarū in circuitu mensæ tuæ. Detestandam itaque non præferendam coniugio uirginitatem; quæ mandato Dei repugnat, & in sacra scriptura maledicitur. Non obstat enim, quoniam quod tempore quodam repugnabat legi : quod maledictis impetebatur, factum est alio tempore laudabile & benedictione dignum; & quod lege fuerat inhibutum, cessante legis ratione permissum. Quapropter si, quo tempore præcepit Deus humani generis & cultus diuini multiplicationem, quis castitatem seruasset, coelibemq; degisset uitam; fuisset Dei mandato inobediens, nec laude, imo uerò uituperatione dignus. At post humani generis & Deum colentium multiplicationem minime fuit, nec erit legis præuaricator; non uituperatione, sed laude & preconio dignus etiam in statu naturæ integræ aut in lege Moy si; si quis uirginitatem custodierit, ex sententia Diui Thomæ in iij. sent. dist. xxiij. q. iij.

Quod autem præceptum illud, Crescite & multiplicamini, non eo modo pertineat ad statum gratiæ; quo pertinebat ad statum naturæ primitus institutæ, confirmatur testimonio Cypriani Tract. ij. de habitu uirgi. propè finem

cum dixit, Apostoli uox est, quē dominus uas electionis uocauit, & quem ad promenda mandata cēlestia Deus misit. Primus homo inquit, de terræ limo: secundus de cōelo: qualis ille est de limo, tales & qui de limo: & qualis cōelestis, tales & cōelestes. Quo modo portauimus imaginem eius, qui de limo est; portemus & imaginem eius, qui de cōelo est. Hanc imaginem uirginitas portat, portat integritas, portat sanctitas, portat ueritas.

Quod si dicatur, Legē illam Dei, Crescite & multiplicamini, non abrogatam, sed etiam in statu gratiæ maximē necessariam ad humani generis conseruationem: fatebimur nō abrogatam, sed post multiplicationē non opus esse ab omnibus obseruari. Quoniam cum quid uniuersitati mandatur, non semper opus est singulos uniuersitatis id agere. Quemadmodum si exercitus Imperator initurus prælium mandauerit castra diligenter custodiri, aut pro custodia ciuitatis excubias fieri; non opus est singulos id agere: sed satis est si id ab aliquibus impleatur. Sic post humani generis & Deum colentium multiplicationem impletur mandatum illud, Crescite & multiplicamini, etiam si qui a propagatione filiorum abstineant.

Quod si quis obiecerit, matrimonium unum esse ex septem Ecclesię sacramentis non uirginitatem: proinde matrimonium uirginitati præferre.

DE COELIBAT V SACER.

- rendum; negabimus id rectè colligi. Quoniam non omnia quibus adsunt ecclesiæ sacramenta digniora sunt, aut præferenda non habentibus illa. Sanctissima enim uirgo mater Dei plena fuit gratia & omnium mortalium dignissima ante aliquod ecclesiæ sacramentū. Io. Baptista, quo nullus maior inter natos mulierum & apostolis dignior, citra omne sacramentum. Martyrium uirginitate præstantius, quod tamē inter sacramenta non annumeratur.
- 17
- 18 Paruipendendum autē quòd aliqui in detractiōnem uirginitatis adducunt Platonem Dijs sacrificasse; ut perpetuæ eius continentię peccatum aboleretur. Quoniam his respondet Augustinus in lib. De uera relig. & sanctus Th. secunda secundæ quest. clij. ar. ij. Platonem sacrificasse non quòd illud reputaret peccatum, sed cedens peruersę ciuium suorū opinioni.
- 19 Nec habenda ratio eius, quod quidā dicunt, præferendas uirginitati nuptias, quòd ex his uirgines nascantur. His enim respōdet August. lib. De uirgini. ca. xij. his uerbis. Nuptę ne illo quidem debent continentium meritis se conferre, quod ex ijs uirgines procreantur. Hoc enim non coniugij bonum est, sed naturæ; quæ sic diuinitus instituta est, ut ex quolibet humano utriusque concubitu siue ordinato & honesto, siue turpi & illicito nulla femina nisi uirgo nascatur etiam de stupro. Sacra autem uirgo nec

de coniugio. Et cap. xij. Si harum quæritur mater, Ecclesia est: non parit uirgines sacras, nisi sacra uirgo, illa quæ desponsata est uni uiro casta exhiberi Christo.

20 Quòd etsi honorabile sit coniugium, & torus immaculatus, & usque adeo ut castitas dici possit cum propria uxore concubitus; si tamén uirginitati comparatur, immundities quædam est, & res non carens turpitudine. Nec dissonum est, quoddam de se munda esse & laudabilia, quæ alijs comparata & immunda & detestabilia censeantur, teste Augustino de quæstionibus noui & uete. testa. ca. cxxvij. Proinde quòd res immunda sit concubitus etiam maritalis, Moyse daturus legem populo Israel mandauit, ne uxoribus appropinquarent. Et Abimelech sacerdos noluit dare David & seruis eius panes propositionis; priusq; interroganti respondissent, pridie & nudius tertius se mundos à mulieribus. Quod de uxoribus exponit Hieronymus. Qua etiam de causa Pontifices ueteris legis, uicis suæ tempore manebant in templo, ut scilicet omnem declinarent occasionem sese cum uxoribus cõmiscendi. Hinc Apostolus suadet etiam laicis ut propter orationem ad tempus ab uxoribus abstineant. Nil mirum si Gregorius consilium dedit, ut uir cū propria uxore dormiens nisi lotus aqua Ecclesiam non ingrederetur. Subijciens, Romanorum semper

DE COELIBATV SACER.

ab antiquioribus morem fuisse post admixtionem propriæ uxoris abstinere ab ingressu Ecclesiæ ante lauacri purificationē. Nec ideo culpari coniugium sed quia ipsa licita admixtio coniugum sine uoluptate fieri non potest. Et habetur in cap. Vir cum propria. xxxiij. q. iij.

22 Quod tamen interpretes canonū dixit, propter reuerentiam sacri loci, & propter corporalem uiri iniquationē. Turpitudinem autem quandam esse etiam cum uxore cōcubitum nel ex eo colligi potest, quòd natura magistra & duce tanquā de re turpi uerecundantur homines & pudore quodam afficiuntur de rebus ueneris, in tantum quòd etiam coniugalis concubitus licet & honestus & licitus uerecundia non careat, & secretum cubile conquirit, ut dixit Augustinus, lib. xiiij. de Ciuitate Dei, ca. xvij. Quòd autem esurientes & sitientes nō pudeat cibum & potum palàm sumere, quemadmodum pudet omnes concubere, ni cynicus sit, 23 aliam posuit Aristoteles causam, quòd ceteræ res naturæ necessariae sint, ueneris actus nequaquam. Ex quo planè colligitur quòd si nemo posset stimulo carnis resistere, nemoq; posset abstinere; nullus esset pudor carnalis copulæ & concupiscentiæ: & cum adsit, non impossibile nec naturæ repugnantem esse abstinentiam. Hactenus de Virginitate.

DE ABSTINENTIA IN
MATRIMONIO.

Post Virginitatis præconia secundo loco differen-
dum proposuimus de abstinentia in matrimo-
nio; quam ut Coelibatui germanam paucis ab-
soluimus, quòd quæcunque de Coelibatu di-
cenda sunt, meritò illi sint tribuenda. Cū enim
coniugalis concubitus immundities quædam
sit distrahens animum à coelestibus ad ea quæ
mundi sunt, Petrus & alij apostoli, qui uxorem
habuerunt ante uocationem ad apostolatam;
post uocationem à coniugali officio abstinue-
runt. Quod facile deducitur ex eo quod habe-
tur Matth. cap. xix. cū Petrus ex persona apo-
stolorum dixit ad dominum, Ecce nos reliqui-
mus omnia, & secuti sumus te; quid ergo erit
nobis? Respondit ei dominus, Amen dico uo-
bis; quoniam omnis, qui reliquerit domum uel
fratres uel sorores, aut patrem aut matrem aut
uxorem aut filios, aut agros propter nomen
meum, centuplum accipiet, & uitam æternam
possidebit. Quod cōfirmat illud Apostoli pri-
mæ ad Corin. ca. vii. Tempus breue est charis-
simum ut qui habent uxores, sint tanquā non ha-
bentes; & qui possident, sint tanquā non possi-
dentes. & ij. ad Corinth. cap. vi. cum dixit. In
omnibus exhibeamus nosmetipsos sicut Dei
ministros in laboribus, in uigilijs, in ieiunijs,
in castitate. His accedit authoritas Epiphaniij

DE COELIBATV SACER.

libro primo cōtra hereses; qui testatur apostolos obseruasse ea, quæ Christus consuluit; cum dixit, Mat. xix. Sunt eunuchi qui se castrauerunt propter regnum cœlorum: qui potest capere, capiat. Subijciens. Qui nam alij hi eunuchi fuerunt, qui seiplos castrauerunt propter regnum cœlorum, quàm generosi apostoli, & monasticam uitam degentes, & deinceps uirgines? & Hieronymus ad Demetriadem. Quod consuluit, inquit, Christus apostolici fastigij est, perfectæq; uirtutis. De abstinentia in matrimonio satis dictum est.

DE COELIBATVS, NOBILITATE ET UTILITATE.

25 Cœlibatus autem nobilitatem & utilitatem, quod tertio loco proposuimus, deprehendemus, si animaduertamus rem diuinā & cœlestem esse cœlibatum, & angelis nos similes reddere, ut de uirginitate diximus: tantumq; præstare conuiugio, quantum anima corpori, & uita contēplatiua actiuæ. Ad bonum autem animæ spectare cœlibatum, & ad uitam contemplatiuā conferre testatur Paulus primæ ad Corin. cap. vij. cum ait: Qui sine uxore est, sollicitus est quæ sunt Dei: mulier innupta & uirgo cogitat quæ domini sunt, ut sit sancta corpore & spiritu: quæ autē nupta, cogitat quæ sunt mundi, quomodo placeat uiro. Cogitare autem quæ domini sunt, & quomodo placeat Deo ad bonū animæ,

ma, & uitam contemplatiuam pertinet: Cogitare uerò & sollicitum esse de ijs, quæ sunt mundi, & quomodo placeat uiro, ad cōmoda corporis & uitam actiuam. Nil mirum ergo, si adiecit Apostolus. Qui matrimonio iungit uirginem suam, benefacit: qui non iungit, melius facit. Qui etsi dixerit, Melius est nubere quàm uri; tamen non tam uidetur permittere cōnubia fidelibus, quàm cœlibatum suadere. Eatenus enim probat connubium, ut tantùmmodo dicat, nō peccare eum, qui nubat. Cœlibatum autem ita Corinthijs cōmendat, ut suo exemplo omnes cœlibes esse uelit, cum inquit. Bonū est homini mulierē non tangere. Et, Volo uos omnes esse sicut me ipsum: dico autem non nuptis, sed uiduis; bonum est illis, si sic permanferint sicut & ego. Et ex post. Mulier alligata est legi, quāto tempore uir eius uiuit: quòd si dormierit uir eius, liberata est: cui autem uult, nubat tantùm in domino: beatior autē erit, si sic permanferit secundùm meum cōsiliū: puto autem q̄ & ego spiritum Dei habeam.

Siquis autem obiecerit, Si quod optat Apostolus fieret; si omnes eius admitterent cōsiliū, omnesq; cœlibes forent, deperiret humanū genus breui tempore; nullæ forent uirgines, nulli cœlibes, nulli coniuges qui Deo seruirent. Ad hoc respondebimus cū seruatore nō, Mat. xix. Nō omnes capiunt hoc uerbū, primo Cor. vij. sed.

quibus datum est. Et cū Apostolo, Vnusquisq;
 donum suum habet à Deo, unus sic, alius uerò
 26 sic. Nec formidandum omnes futuros cœlibes,
 omnes Pauli suscepturos consilium: Quoniam
 si non omnes obediunt Euangelio ut dixit Idē
 Apostolus ad Rom. cap. x. quomodo recipient
 eius consilium & si diuersitas corporum diuer
 sitas sepe sequitur sanimorum ut habetur in. c.
 Quia diuersitatem de concess. preben. quomo
 do omnes eundem uitæ institutum suscipient?
 Aliter tamē soluit hunc nodum Augustinus
 lib. De bono coniug. cum dixit. Utinam hoc
 omnes homines uellent duntaxat in charitate:
 nā multo citius Dei ciuitas impleretur; & acce
 leraretur seculi terminus. Quid enim aliud
 optat Apostolus? Volo omnes homines esse fi
 cut meipsum. Quod parum placeret nisi fuis
 set ab Augustino dictum.

27 Decere autē & oportere sacris initiatos ca
 stitatē custodire, pbatur etiam Phylosophorū
 & ethnicorum testimonio, & in primis diuini
 Platonis, cuius ea fuit sententia, Nihil æquē hu
 manum animū impedire à diuinitatis intuitu,
 quàm Venerem & uitam libidinibus deditam.
 Et ad Dionysium, Procul (inquit) à molestia
 & uoluptate diuinitas. Et Pythagoras author
 fuit, Deos semper cū laudibus amictu candido
 & casto corpore adeundos. Idē Cicero in libro
 de legibus cū inquit. Ad Diuos adeunto castè:

pietatem adhibento:opes amouento,qui secus faxit, Deus ipse uindex erit. Aulus gellius uerò, Tempia inquit, & delubra non uulgò & temere sed cum castitate ceremoniaq; adeunda, & reuerenda. Hierophantas Atheniensium postquã in pontificatum erant assumpti, cicuta sorbitione castrari solitos author est Hieronymus contra Iouinia. Cheremon Stoicus uir eloquentissimus narrat (ut idem refert Hieronymus) Ægyptios sacerdotes depositis secularibus rebus assidue degere in templis solitos naturas rerum, causasq; & rationes syderum contemplantes, & nunq; se mulieribus cõmiscerentes. Cereris sacra non nisi per matronas castas & uirgines fieri fas erat: de quibus Ouidius. Annuæ, uenerunt Cerealis tempora sacri, secubat in uacuo casta puella toro. Nouem diebus quibus Isidi sacra facerent, abstinebant prorsus à concubitu. In sacris Bonæ Deæ, quæ à uirginibus pro populo fieri mos fuerat, adeo execrabilis Veneris uoluptas erat; ut ea nisi submotis inde uiris ac picturis masculorum & brutorum, fieri non liceret. Vnde satyricus poeta iocatur, Et testibus sibi conscius inde fugit mus. In templo Æsculapij Epidauri erat inscriptũ. Castus sit templi quisquis pia limina adibit: Et castus quisquis religiosa sapit. Et alius poeta. Vos quoque abesse procul iubeo: discedat ab aris cui tulit hesternæ gaudia nocte Venus. Ca-

sta placent superis, pura cū ueste uenite, Et manibus puris sumite fontis aquam.

28 Ad cōmendandam Virginitatem & Coelibatum cōplures & prācipuē Hieronymus coniugij incōmoda & molestias connumerarunt. Sed nos (ne in magnum uolumen crescat opus nostrum) contenti erimus uno Basilio, qui libro de uirginitate inquit. Si uirgo mortali connubio coniuncta est, ad suam ipsius curam uiri quoque altera adiecta geminam in una anima ex coniuncto sibi corpore solitudinē necessariò sustinet; nec iam unius tantum corporis laborat gratia; sed in una (ut dixi) anima & ad suum & uiri corpus curandum iugiter intenta diuiditur. Vbi uerò filios post cubilis solennia & secreta cōmercia parturire atque in lucem edere coeperit, per unumquemq; nascentē animo scinditur, & præsētib; tristibus nascituri cura semper adiicitur. At si quidem uirum bonum blandumq; nacta fuerit, perpetuo, ne moriatur, metu uiduitatis incōmoda cruciatusq; iam sustinet, diram quandam & immitem & præsente illo & absente solitudinem propter insperatos casus animo indefinēter excipiens. Sin autem cōtra duro & immiti fuerit iuncta, tota quidem uita illius cruciatus est: & cum pudicitiae ratione neutrum queat eligere, idēst nec uiri mortem propter uiduitatis angustias, nec uitam ob molestiam incommodumq; conui-

Etis ancipiti ineuitabili malo, acerrimisq; doloribus semper atteritur. Inde ubi filios edidit, aut ad bonam illi frugem euaserunt, & maiores ex illorum absentia dolores iugiter tolerat, quàm parturiens tulerat: aut malos euasisse cōsiderat, & maius ex ea procreatione liberorū, quàm si permansisset sterilis opprobrium sustinet. Sæpe antequā prædicta experiatur incōmoda, unā & sponsa & uidua efficitur: ac si ne liberis in uiduitatem delapsa nec uxor iam, nec uirgo, nec mater est. Sic profectò omnib; quæ putantur læta coniugij simul amissis, breuissimo uoluptatis sensu irrecuperabilem uirginitatis perdidit florem, coniugijq; tantū solummodo experta est, quantū illi satis esset ad dignoscenda uiduitatis incōmoda. Quod si relicta uidua pupillos enutriet filios; eius, quæ ex uiri morte perceperat, moeroris iuge illos monimentum cernit: & semper in lachrymis, semper in gemitu, semper in solitudine educatorū degens nullum præterito malo solatiū inuenit. Præterea & propinquis & famulis & filiorū curatoribus ipsisq; postremò filijs ubi uirilitalis annos attigerint, cunctisq; omnino se uexare uolentibus ad prædam miserabiliter exposita doloris luctusq; tragediam uitā suam omnium ingeret oculis. Sed qd plura persequi necesse est? dominū sibi cum dote infelix mulier coemens uirum, ancilla pro libera efficitur:

DE COELIBATV SACER.

breuissimæq; uoluptatis gratia naturali libertate se priuans ianuam sibi ineffabilem dolorū, perpetuūque mœroris per huiusmodi connubium aperit. Manet enim immota maledictio nis aduersus illam prolata sententia; quæ per omnes nuptias ueluti epithalamium ita canit. In doloribus paries filios: & ad uirum conuersio tua, & ipse dominabitur tui. At uerò prudens uirgo iugum huiusmodi seruitutis abiiciens, & tota intentione ad dominum currens, unâ dolorem quoque qui ex maledictione intentabatur, abruptit: effugit quippe partus angustias: effugit mortalis uiri miserum iugum, simulq; incōmoda omnia, quæ ex nuptiis provenire monstrauiamus: effugit item peccatorū omni genum inextricabiles nexus, & retia uitæ præsentis euasit: effugit ante omnia carnalis cōmertiij corruptelam, & integra tota atque illibata anima prout & corpore sancta æterno regi se læta despondit: nec iam ad mortalem uirum conuersionem suam fieri patitur; sed frugi per seuerans se in uitæ constantia & honestate coram domino semper exercet: quippe coniugij finem corruptionem & iniurias esse considerans ex ipso fine totam nuptiarum tragediam prudenti ratione colligit; declinansq; primam tristicium causam, manantem quoq; ex ea presuram simul effugit. Et quæ sequuntur.

Cum igitur Virginitas, Castitas, Coelibatus (ut

ostendimus, & multis sacrarum literarum testimonijs, multis sanctorum Patrum auctoritatibus multis denique rationibus comprobauimus) præstantiores sint coniugio: quippe cum ea nos similes angelis reddant: & coniugalis concubitus si illis conferatur, immundities quædam sit & turpitudine, quæ à diuinis rebus nos abstrahat: cum castitas à Salvatore & Apostolo toties commendata fuerit, cum deceat sacerdotes castos esse & mundos iuxta illud Isaia cap. liij. Mundi estote, qui fertis uasa domini. Cum cogitare eos deceat quæ domini sunt; cum sacerdotibus, qui ceteris præstant propter animarum curam perfectior conueniat status, rectè Ecclesia sacerdotibus indixit coelibatum.

- 29 Fatemur tamē ad annos ferè cccc. post Christum natum permissum fuisse ad sacerdotium assumi habentes uxorem: quod licuisse etiam tempore apostolorum designat canon Apostolorum xxxix. qui permittens Episcopis testamentum condere de rebus quæ propriæ fuerint, rationem explicat, quia nonnunquam uxores liberos aut cognatos habent. Sed id fuit permissum, quoniam pauci in legis euangelicæ exordio fuissent coelibes ecclesiastico ministerio idonei ex sententia Hieronymi ad Iouinia. cum dixit. Eligebantur in sacerdotium mariti, non nego, quia non erant tanti uirgines, quanti necessarij erant sacerdotes. Nam in exercitu assumuntur infir-

DE COELIBATV SACER.

miores, ubi non subest numerus fortium. Alia quoque afferri potest ratio; quoniam nobilissima quæq; in sublunari hoc mundo sic à natura instituta sunt, ut repente non fiant summa, sed sua quædam habeant incrementa. Hoc factum in cognitione, quā habemus de Christo luce clarius est. Non enim à principio Christus se uerè Dei uiui filium dicere uoluit: quod & apostoli obseruauere in concionibus, quas legimus in Actibus apostolorum, Hoc idem euenit in coelibatu. Licet enim hanc tantam excellentiam optauerint apostoli in ecclesia sancta, cum tamen non esset tutum in tenera adhuc ætate, quæ solidiori cibo uti non poterat, hanc tantam perfectionem requirere; ne ue sæuiente tyrannorum rabie in Christianos, hac etiam uitæ austeritate deterrentur homines à suscipienda Christiana fide & sacerdotio, hanc tantam perfectionem iniungere noluerunt: sed pe detentim & secundū partem instituerunt excludentes bigamiam ab ecclesiasticis ordinibus; & consulentes uirginitatem. Quòd etsi sacerdotum coelibatus lege adhuc indictus nō fuisset; uerisimile tamen est priores illos ad fidem conuersos seruire quodā spiritus erectos apostolorum exemplo cōmuni consensu castitatē amplexos; eisq; magnæ uoluptati fuisse abstinere etiam à coniugali cōcubitu: remittente se tamē in successoribus illo spiritus seruire cūq;

propter uxores & susceptos liberos minus intenti sollicitiq; essent diuinis rebus, ne impurè, negligenter, & minus sincerè sacra administra rentur, restituta ecclesiæ pace, principibus chri stianâ fidem amplexantibus deuit, expediens fuit (ausim dicere) & necessarium coniugatos à sacris ordinibus arcere, nisi cõmuni consensu castitatem pollicerentur: & saluberrima lege statuere, ut qui ad sacros ordines reciperentur, castitatem seruarent. Cuius decreti causæ præ ter illas, quas diximus, ex sacrorum conciliorũ & sanctissimorũ patrum decretis, quæ deduce re proposuimus faciliè percipi poterunt.

- 30 Primùm igitur id Siritijs Pontifex statuit, & habetur in ca. Plurimos. lxxxij. dist. his uer bis, Plurimos sacerdotes atque leuitas post lon ga consecrationis suæ tempora tam de coniu gibus proprijs, quàm etiam de turpi coitu sobo lem didicimus procreasse; & crimen suum hac præscriptione defendere, quia in ueteri testamẽ to ministris facultas generandi legitur attribu ta. Dicat mihi nunc quisquis ille est sectator li bidinum, præceptorq; uitiorum, si existimat quòd in lege Moyfi passim sacris ordinibus à Deo nostro laxata sint frena luxuriæ; cur eos, quibus cõmittebantur sancta sanctorum præ monet dicens, Sãcti estote, quia & ego sanctus sum dominus Deus uester? Cur etiam procul à suis domibus anno uicis suæ in templo habi-

DE COELIBATV SACER.

tare iussi sunt sacerdotes: hac uidelicet ratione, ne uel cum uxoribus possent carnale exercere cōmercium: ut conscientiaē integritate fulgentes acceptabile Deo munus offerrent. quibus etiam expleto deseruitionis suae tempore uxorius usus solius successionis causa fuerat relaxatus; quia non ex alia nisi ex tribu Leui quisquā ad Dei ministerium fuerat praeceptus accedere. Vnde & dominus Iesus cū nos suo illustraret aduentu in euangelio protestatur, quia legem uenerit implere, non soluere? Mat. v. Et ideo Ecclesiam suam, cuius sponsus est speciosus forma, Psal. xliiij. Castitatis uoluit splendore radiare; ut in die iudiciij cū rursus aduenerit, sine macula & ruga eam possit (sicut per Apostolum suū instituit reperire. Ephe. v.) Quarū sanctionum sacerdotes atque leuitae insolubili lege cōstringimur; ut à die ordinationis nostrae sobrietati & pudicitiae & corda nostra mancipemus & corpora: dummodo per omnia Deo nostro in his, quae quotidie offerimus, sacrificijs placeamus. Qui autem in carne sunt dicente electionis uase. Rom. viij. placere Deo non possunt. Vos autem iam non estis in carne sed in spiritu; si tamen Dei spiritus habitat in uobis: & ubi poterit, nisi ī corporibus (sicut legimus) sanctis Dei spiritus habitare? Subsequitur deinde quod habetur in ca. Aliquantī. ea. dist. Et quia aliquanti (ut tua sanctitas retulit) ignorā-

tes se lapsos esse, deslent; ijs hac conditione misericordiam dicimus non negandam; ut sine ullo honoris augmento in hoc, quo detecti sunt, quandiu uixerint, officio perseuerent: si tamē post hac continentes se studuerint exhibere. Hi uerò qui illiciti priuilegij excusatione nituntur, & sibi asserunt ueteri hoc lege concessum; nouerint se ab omni ecclesiastico honore, quo indignè usi sunt, Apostolicæ sedis auctoritate deiectos: nec unquā posse ueneranda attrectare mysteria; quibus se ipsi dum obscenis cupiditatibus inhiant, priuauerunt. Et quia præsentia exempla cauere nos præmonent in futurum. Si quilibet Episcopus presbyter, atq; diaconus (quod non optamus) deinceps fuerit talis inuentus, iam nunc sibi omnem per nos indulgentiæ aditum intelligat obseratum. Quia ferro necesse est excidantur uulnera; quæ fomētorum non senserint medicinā. Hæc Siritius.

3. Siquis autem dubitauerit, si tunc primū Siritius legem tulit de Coelibatu sacerdotum, quonā modo reprehendit & punit eos, qui ex proprijs uxoribus filios susceperant, faciens etiam differentiam inter eos qui scienter, & eos qui ignoranter præuaricati sint: ut hi ad altiora nō conscendant, illi uerò deponendi sint. Respondimus cū antiquitas (ut uerbis utamur sextæ Synodi) id obseruauerit, præuaricatores laudabilis cōsuetudinis iure decerni plectendos, eoq;

32 casu nouā legem præterita respicere etsi aliās non nisi futura prospiciat : Quidam tamen nō parue authoritatis asserunt aliam Siritij constitutionem præcessisse, & eam esse, quæ habetur in c. Quicūq; lxxvij. dist. qua decernitur, Qui cūq; igitur se uouerit obsequijs ecclesiæ à sua infantia ante pubertatis annos baptizari, & lectorum debet ministerio sociari, qui ab accessu adolescentiæ usq; ad uigesimali suæ ætatis annū, si probabiliter uixerit, una tantū & ea quam uirginem benedictione cōmuni per sacerdotē percepit, uxore contentus accolitus & subdiaconus esse debet : postq; ad diaconij (si seipsum primitus continentia præuente dignum probauerit) gradum accedat. Qui tamen nouissimè Colonix concilia in unum congeruerunt; illam posuere partem prioris decreti; posueruntq; pro nouo capitulo inter decreta Siritij. At alij opinati sunt Siritium de his sensisse, qui cōmuni cōsensu cum uxoribus castitatem sponponderant; secundū quam interpretationem non satis constaret ex illa decretali Siritium primū legem coelibatus tulisse; quod tamen omnes Siritio tribuunt. Propterea magis probanda prior interpretatio. Siritij constitutionem magno cōsensu receperunt qui successere Rom. Pontifices, & quæ secuta sunt cōcilia & præcipuè Telenſe ea epistola, quā citauimus; cū uirginitatis præconia recensuimus.

Deinde secundum Carthagineñ, concilium, & habetur in c. Episcopos. xxxi. di. & in c. Cum in præterito. lxxxiii. di. his uerbis. Cum in præterito concilio de continentia & castitatis modamine tractaretur, gradus isti tres conscriptione quadam castitatis per cōsecrationes annexi sunt, Episcopos inquam, presbyteros, & diaconos ita placuit, ut concedet sacrosanctos Antistites & Dei sacerdotes & leuitas, uel qui sacramentis diuinis inseruiunt, continentes esse in omnibus; quo possint simpliciter quod à Deo postulant, impetrare: ut quod Apostoli docuerunt, & ipsa seruauit antiquitas, nos quoq; custodiamus. Ab uniuerfis Episcopis dictum est, Omnibus placet, ut episcopi, presbyteri, & diaconi qui sacramenta contrectant, pudicitia custodes etiam ab uxoribus se abstineant. Ab omnibus dictum est. Placet ut in omnibus & ab omnibus pudicitia custodiatur, qui altario seruiunt.

Aduertat tamē diligens lector, cum ibi dicitur, In præterito concilio mandatā continentiam esse Episcopis, presbyteris, & diaconibus; ne intelligat de primo Carthagineñ. cōcilio, prout perperam interpretatus est Glossator canonum. Quoniam non id primum Carthagineñ. concilium decreuit: & si decreuisset, falso tribueretur Siritio, q̄ aut hor decreti illius fuisset, cum primum Carthagineñ. cōcilium habitum fue-

DE COELIBATV SACER.

rit sub Syluestro Pont. De quo autem concilio fit intelligendum, ambigimus. Suspicamur autem sensisse de Telenſe: cui interfuere Aphricani episcopi & si fuerit in Hispanijs habitum. Quod uerisimile est sub Siritio Pont. habitum nō autem Zozimo; qui post Siritium Anastasio & Innocētio intermedijs fuit Pōtifex. Nec enim potuisset Teleñ. concilium Siritio rescripsisse, si fuisset habitum eo uita functo. Quod si de alio Carthagineñ. cōcilio intelligere uoluimus, fateri necesse est aliud fuisse concilium inter primum & secundum, quod inter concilia Carthagineñ. non numeretur: quod etiam non negat conciliorum aggregator, cū de pluribus Carthagineñ. concilijs meminerit: quæ numerum non sunt assecuta. Et forte euenit quod cōcilio sub Martino primo habito, quod sextum non inscribitur, sed inter quintum & sextum.

Innocentius primus. & habetur in c. Tenere debet. xxxi. di. rescribit Rothomageñ. Episcopo, Siritij decreto se subscribens his uerbis. Præterea quod dignum, & pudicū, & honestum est, tenere Ecclesia omnino debet, ut sacerdotes & leuitæ cū uxoribus suis non misceantur: Quia ministerij quotidiani necessitatibus occupantur. Scriptum est enim. Sancti estote, quoniam & ego sanctus sum dominus Deus uester. Nā si priscis temporibus de templo Dei sacerdotes

anno uicis suæ non discedebant, sicut de Zacharia legimus, nec domum suam omnino tangebant; quibus utique propter sobolis successi-
nem uxoris usus fuerat relaxatus: quia ex alia tribu præterq̃ ex semine Aaron ad sacerdotiũ nullus accedere permittebatur: quanto magis hi sacerdotes uel leuitæ pudicitiam ex die ordi-
nationis suę seruare debent; quibus uel sacerdo-
tium uel ministerium sine successione est: nec præterit dies qua uel à sacrificijs diuinis, uel à ba-
ptismatis officio uacent? Nam si beatus aposto-
lus Paulus ad Corinth. scripsit, Abstinete uos ad tempus, ut uacetis orationi: & hoc utique
laicis præcepit: multo magis sacerdotes quibus & orandi & sacrificandi iuge officium est, sem-
per debebunt ab omni huiusmodi cõsortio ab-
stinere. Quod & alia epistola ad Exuperium Episcopum Tolosã. confirmauit. & habetur
in c. Proposuiſti lxxxij. dist. cum dixit, Propo-
suiſti quid de his obseruari debeat, quos in dia-
conij ministerio, aut in officio presbyterij posi-
tos incõtinẽtes esse aut fuisse generati filij pro-
diderunt. De his autem manifesta est diuinarũ
legum disciplina, & beatæ recordationis Siritij
Episcopi monita euidentia cõmeantur; ut in-
continentes in officijs positi talibus omni hono-
re ecclesiastico priuarentur; nec admittantur
ad tale ministerium, quod sola continẽtia opor-
tet impleri. Est enim uetus admodũ sacrę legis

authoritas iam inde ab initio custodita, quòd
 in tēplo anno uicis suæ habitare præcepti sunt
 sacerdotes, seruientes sacris oblationibus puros
 & ab omni labe purgatos sibi uēdicent diuina
 ministeria: neq; eos ad sacra fas sit admitti, qui
 exercent etiam cū uxore carnale cōmercium:
 quia scriptū est. Sancti estote, quia & ego san-
 ctus sum dominus Deus uester. Quibus utiq;
 34 propter sobolis successionem uxoris usus fue-
 rat relaxatus: quia ex aliena tribu ad sacerdo-
 tium nullus fuerat ausus, accedere: quo magis
 ipsi sacerdotes uel leuitæ pudicitiam ex die or-
 dinationis suæ seruare debent; quibus & sacer-
 dotium uel ministerium sine successione est:
 nec præterit dies, qua uel à sacrificijs diuinis uel
 baptismatis officio uacent. Nam si Paulus ad
 Cor. scribens dicit. Abstinete uos ad tempus ut
 expeditius uacetis orationi. & hoc utique laicis
 præcepit: multo magis igitur sacerdotes quibus
 & sacrificandi & orandi iuge officium est sem-
 per debebunt ab omni huiusmodi consortio
 abstinere.

35 Concilio Carthagineñ. v. ca. iij. de quo in c.
 Cum de quorundam. dist. lxxxiiij. habetur.
 Cum de quorundam clericorum quauis erga
 proprias uxores incontinentia referretur, pla-
 cuit Episcopos, presbyteros & diaconos secun-
 dūm priora statuta etiam ab uxoribus contine-
 re, quod nisi fecerint, ab ecclesiastico mouean-
 tur

tur officio. Idē decernitur in c. Placuit Episcopos. xxxij. di. quæ fuit constitutio Aphrican. cōcilij sub Bonifacio primo Pont. cap. xxxiiij. Primi Toletan. concilij cap. primo habetur. Placuit, ut diacones si uel integri uel casti sint & continentis uitæ etiam si uxorem habeant in ministerio cōstituantur; ita tamen ut si qui ante interdictum, quod per priores ante nos Episcopos cōstitutum est, incontinenter cum uxoribus uixerint, presbyterij honore non cumulentur.

His concordat Agathen. concilium sub Celestino Pont. habitum ca. ix. his uerbis. Placuit etiam ut si presbyteri, uel diaconi coniugati ad torū uxorum suarum redire uoluerint, Papæ Innocentij ordinatio, uel Siritij episcopi autoritas, quæ est his canonibus inserta, seruetur. Quod si ad aliquos formula illa ecclesiasticæ uitæ pariter & disciplinæ, quæ à Siritio episcopo ad provincias cōmeauit, non probabitur peruenisse; eis ignorationis uenia remittitur: ita ut de cætero penitus incipiant abstinere: & ita gradus suos, in quibus inuenti fuerint, retineant, ut ad potiora eis non liceat ascendere: quibus in beneficio esse debet, quod locum ipsum, quem retinent, non amittant. Siqui autem scisse formam uiuendi missam à Siritio episcopo deteguntur, neque statim cupiditates libidinis abiecerint; illi sunt modis omnibus submouēdi, eo quod post

admonitionem cognitam præponendam arbi-
trati sunt uoluptatem.

Arausien. concilium sub Leone primo Pont. sta-
tuit, ut deinceps coniugati nisi prius conuersio-
nis proposito professi fuerint castitatem, diaco-
nes nō ordinarentur. Deinde cap. xxij, & xxij.
subijcitur. Siquis autem post acceptam benedi-
ctionem Leuiticam cū uxore sua incontinens
inuenitur, ab officio abijciatur.

Arelaten. Tertium iisdem ferè temporibus etiam
statuit, ut deinceps coniugati, Diaconi nō ordi-
nentur, nisi prius conuersionis proposito pro-
fessi fuerint castitatem. Et habetur in c. Præte-
rea. xxviij. dist. Epistola xc. Leonis Primi ad
Rusticum Narbonen. Episcopum cap. iij. regi-
strata in c. Lex continentie. xxxi. dist. habetur,
Lex continentie eadē est ministris altaris, quæ
Episcopis, & presbyteris; qui cū essent laici si-
ue lectores licitè & uxores ducere & filios pro-
creare potuerunt. Sed cum ad prædictos perue-
nerint gradus, cœpit eis non licere, quod licuit.
Vnde (ut de carnali fiat spirituale coniugium)
oportet eos nec dimittere uxores, & quasi non
habeant sic habere: quo & salua sit charitas cō-
nubiorum, & cessent opera nuptiarum.

36 Nemo tamen existimet quæ citauimus con-
cilia id statuisse quod suadente Paphnutio de-
stitit decernere Nicæna Synodus. Quoniam
lōgè diuersum est cogere coniugatos, qui post

coniugium ad sacros ordines assumpti fuerāt, quōd dimissis uxoribus continentes sint: & de cernere habentes uxorem de cætero non assumendos ad sacerdotium, nisi cōmuni coniugū uoto continentiam pollicerentur. Primū enim statui non debuit, nec statuere uoluit Nicena Synodus; sicut nec in præsens posset Ecclesia arcere accolitos aut lectores à coniugio; nec eos qui licitè uxores habent, cogere, ut dimittant: quia hoc esset ad continentiam cogere: cum tamen teste Ambrosio, lib. primo de Virgini. integritas suadenda sit, non imperanda. & habetur in c. Integritas, xxxij. q. j. Propterea dixit Gregorius scribens Petro subdiacono Siciliae & habetur in c. Ante trienniū. xxxi. dist. Ante triennium omnium ecclesiarū subdiaconi Siciliae prohibiti fuerant, ut more Rom. Ecclesiae suis uxoribus nullatenus misceantur. Quod mihi durum atq; incompetens uidetur; ut qui usum continentiae non inuenit, neque castitatem promisit, compellatur à sua uxore separari. Secundum autem statui potuit; nec propterea hoc decreto quisquam inuitus arcetur à coniugio: quoniam sicut unicuiq; liberum est uelle ad sacros ordines cōscendere; ita liberum est uelle continentiam polliceri, licet unum ab alio seiungi nō possit. Nemo enim potest uelle ad sacros ordines assumi, & nolle cōtinentiam polliceri. Et id est quod Dialectici uocant ne-

cessitatē consequentiæ non consequentis. Quæ admodum cum dicimus, necesse est ut qui currit, moueatur. Cū tamen contingens sit utrūq; & currere & moueri, & cursus sine motu esse non possit. Quòd si Ecclesia etiam ab accolitis castitatem exigere uellet, id quidem posset, sed ea lex eos qui accoliti forent non alligaret, sed in posterum assumendos.

38

Quauis autem habentes uxorem in sacerdotes aut diacones assumerentur, nuncq; tamen iam promoti coniugio copulabantur id prohibente canone xxvij. Apostolorum his uerbis. In nuptijs autem qui ad clerum prouecti sunt, præcipimus, ut si uoluerint uxores accipiāt, sed lectores cantoresq; tantummodo. Ea forsan ratione, quòd id foret à perfectiori statu ad imperfectiorem regredi, positaq; manu ad aratrum retrospicere. Quod cōstitutum cum à plerisq; uiolaretur, à nōnullis Rom. Pontificibus & sacris concilijs etiam pēna adiecta fuit innouatū, & in primis à Neocesariē. concilio sub Syluestro Pont. canone primo cum statuit, quòd presbyter si uxorem duxerit, ab ordine suo deponi debeat: si fornicatus fuerit, & adulterium cōmiserit extra ecclesiam abijciatur, & ad poenitentiam inter laicos redigatur. Et habetur in c. Presbyter xxviii. dist.

39

Canone viij. concilij Romani sub Syluestro Pont. habetur. Nullum autem subdiaconorum

ad nuptias transire precipimus. Et canone xix. Nemo presbyter à die oneris presbyterij su-
mat coniugium.

Canone vñ. octauo cōcilij Toletan. statuitur, quòd
quicumque ad Ecclesiasticarum officia dignita-
tum assumuntur, si ad coniugia moresq; seculi
redire attentauerint, omni ecclesiastica digni-
tate priuentur, & apostatæ habeantur; & in
monasterio donec uixerint sub pœnitentia re-
trudantur.

Extat & Calixti decretum, de quo in c. Presbyte-
ris xxvij. dist. Presbyteris, diaconibus, & subdia-
conibus & monachis cōcubinas habere seu ma-
trimonia contrahere penitus interdiciamus: cō-
tracta quoque matrimonia ab huiusmodi per-
sonis disiungi: & personas ad pœnitentiam re-
digi debere iuxta sacrorum canonum definitio-
nem iudicamus.

Cui subscripsit Inno. ñ. & habetur in c. Decerni-
mus. xxviii. dist. cum dixit. Decernimus, ut hi
qui in ordine subdiaconatus & supra uxores
duxerint, aut cōcubinas habuerint officio, atq;
ecclesiastico beneficio careant.

Statuit etiam Toletan. concilium quintum. & ha-
betur in c. Quando. ea. dist. quòd quando pres-
byteri & diaconi per parochias constituuntur,
oportet eos professionem episcopo suo facere,
ut caste & purè uiuant sub timore Dei; & dū
eos talis professio obligat, uitæ sanctæ discipli-

DE COELIBATV SACER.

nam retineant. Item Nicolaus Papa Odoni Viennens. archiepiscopo rescripsit. & habetur in c. De illo. xxxii. dist. De illo clerico Aluico nomine, quem per ordines ecclesiasticos usque ad subdiaconatū castum uixisse dicitis, cur uestra autoritate uxorem duxerit, miramur: eo quòd nulli unquam exceptis illis quibus ecclesiastica regula habere permittit, uxore habendi licentiam damus.

Extat & aliud Leonis decretum, quod habetur in c. omnium. xxxii. dist. quo decernitur. Omniū sacerdotū tam excellens est electio, ut hæc que in alijs membris ecclesiæ uacant à culpa, in illa tamen habeantur illicita. Cum enim extra clericorum ordinem constitutis nuptiarum societati & procreationi filiorum studere sit liberū, ad exhibendam tamen perfectæ continentię puritatem nec subdiaconibus carnale connubium quidem permittitur: ut etiam qui habēt sint tanq̃ non habentes, & qui nō habent, permaneant singulares & innupti. Et si hoc in hoc ordine, qui quartus est à capite, dignum est custodiri; quanto magis in primo, uel in secundo, uel in tertio seruandum est?

Item sexta Synodus canone. vi. & habetur in c. Si quis. xxxij. dist. statuit, quòd si quis eorum qui in clerum accedunt, uelit lege matrimonij mulieri coniungi, anteq̃ hypodiaconus, uel diaconus, uel presbyter ordinetur, hoc faciat.

Melden. uerò cōcilij hoc fuit decretum. Nemo ad sacrum ordinē permittatur accedere, nisi aut uirgo, aut probatæ castitatis, & qui usque ad subdiaconatum unicam & uirginē habuerit. Et habetur in c. Nemo. xxxij. dist.

Extat decretum Inno. ij. quo dicitur. Vt lex continentia, & Deo placens munditia in ecclesiasticis personis & sacris ordinibus dilatetur; precipimus quatenus presbyteri, diaconi, subdiaconi, regulares canonici, monachi, atque conuersi professi, qui sacrum transgredientes propositū uxores sibi copulare præsumpserint, separentur. Huiusmodi nanq; copulationem, quā contra ecclesiasticam regulam constat esse contra etiam, matrimonium non esse censemus: qui etiam ab inuicem separati pro tātis excelsibus condignam poenitentiam agant. Et habetur in c. Vt lex. xxvij. q. i.

Inno. etiam iij. rescribens Noruiceñ. Episcopo inquit. Cum uir cogitet quomodo placere possit uxori; & ideo minus quæ Dei sunt, ualeat cogitare; cum quasi diuisus in duo plenam sui non habeat potestatem, ut ei à quo stipendium recipit, plenius famuletur; mandamus quatenus huiusmodi clericos beneficijs ecclesiasticis, quæ in tua diocesi sunt adepti, prius appellatione remota: præsertim cum rerum ecclesiasticarū substantia per tales soleat deperire. Et habetur in c. Diuersis fallacijs. de cleri. coniug.

40 Capite viij. Secundi Aurelianē. concilij statuitur, quòd si quis diaconus in captiuitatē redactus uxori fuerit copulatus, reuersus ab officij ministerio omnino remouendus est; cui sufficere debet pro actus sui leuitate impleta penitentia pro satisfactione cōmunio.

Cap. uerò vij. Tertiij Aurelianē. concilij decretū fuit, quod clerici qui uxores non habuerint, benedictione suscepta coniugia crediderint eligēda, qui uolentes absq; ulla reclamatione in ætate fuerint legitima ordinati; cum ipsis mulieribus quas acceperunt, excōmunicatione precelantur. Quòd si inuitus uel reclamans fuerit ordinatus, ab officio quidem deponatur, sed nō à cōmunionē pellatur.

41 De Monachis canone xvi. Secūdi Turonē. concilij statuitur, quòd si qui in monasterio cōuersi sunt, aut conuerti uoluerint, nullatenus exinde habeant licentiam euagandi; nec (quod absit) ullus eorum uxorem ducere, aut extranearum mulierum familiaritatem habere: & si uxorem duxerit, excōmunicetur, & de uxoris malè sociatæ consortio etiam iudicis auxilio separetur.

Canone. ij. Quarti Toletan. concilij legitur, Nonnulli monachorum egredientes de monasterio non solū ad seculum reuertuntur, sed etiam uxores accipiunt. Igitur reuocati in eodē monasterio, à quo exierant, poenitentię deputentur;

ibiq; defleant sua crimina, unde discesserunt.

Legatur decretum Inno. iij. quod habetur in c. Cū ad monasteriū. De statu regu. in quo habetur. Abdicatio proprietatis, & custodia castitatis adeo est annexa regulæ monachali, ut contra eam nec summus Pontifex possit licentiam indulgere.

42 **D**e sacratīs Virginibus Canone xxxij. primi Arelatē. concilij habetur. De puellis, quæ se uouerunt Deo, & præclari nominis decore floruerunt, si post xxv. annos ætatis ad terrenas nuptias sponte transierint, id custodiendū esse decreuimus; ut cum ijs, cū quibus se obligauerint, cōmunionē priuentur: ita ut eis postulanti- bus pœnitentia non negetur, cuius pœnitentiæ cōmunionē multo tempore differatur. Quod decretum innouatum fuit in Valentiñ. concilio sub Damaso primo Pont.

Concilij Carthagineñ. quarti, cap. ciij. statuitur. Si cut bonum est castitatis præmium; ita maiori obseruantia & præceptione custodiendum est: ut si quæ uiduæ quantumlibet adhuc in minoribus annis posita, & matura ætate à uiro relicta se deuouerunt Deo, & ueste laicali abiecta sub testimonio Episcopi & ecclesiæ religioso habitu apparuerint; postea autem ad nuptias seculares transierint, secundū apostolum damnationem habebunt. Quoniam fidem castitatis, quā domino uouerunt, irritam facere ausæ

DE COELIBATV SACER.

sunt. Tales ergo personæ sine christianorum cōmunionē maneat, quæ etiam nec in conuiuiō cum Christianis cōmunicent, Et habetur in c. sicut bonum. xxvij. q. j.

Inno. primus epistola ij. ca. xv. inquit, Quæ Christo spiritualiter nubunt, & à sacerdote uelantur; si postea uel nupserint publicè, uel occultè corruptæ fuerint, non eas admittendas esse ad agendam pœnitentiam, nisi is cui se coniunxerant, de hac uita discesserit. Si enim de hominibus hæc ratio custodiatur, ut quæcunq; uiuente uiro alteri nupserit, habeatur adultera, nec ei agendæ pœnitentiæ licentia conceditur, nisi unus ex eis defunctus fuerit; quanto magis de illa tenendum est, quæ ante immortali se sponso coniunxerat; & postea ad humanas nuptias transire elegit? Et habetur in c. Quæ Christo xxvij. q. j.

Quod tamen dicitur, nō admitti ad pœnitentiam; non ita intelligendum est, ut aliquo tempore excludantur à pœnitentia, quæ dignè pœnitentiam agere uoluerint; sed prohibentur admitti ad pœnitentiam, quæ ab incesti copula discedere noluerint, ex sententia Theodori. Et habetur in c. Siquis uotum, xxvij. q. j.

Canone xv. Chalcedonen. cōcilij, & habetur in c. si qua uirgo. xxvij. q. j. statuitur, Virginem quæ se domino Deo consecrauit, similiter & monachum non licere nuptialia iura contrahere;

quòd si hoc fuerint inuenti perpetrantes, excommunicentur.

Symachus non multo posterior, ut qui post Leonem primū sub quo habita est Chalcedoneñ. synodus annis minus xl. fuit Pont. statuit, neq; uiduas ad nuptias transire patimur; quæ in religioso proposito diuturna obseruatione permanserunt. Similiter & uirgines nubere prohibemus, quas annis plurimis in monasterijs ætatem peregisse contigerit, prout habetur in c. Neq; uiduas xxvñ. q. i. quod tamen Gratianus ascribit Gelasio.

Idem statuit primum Parisiē. concilium canone iij. his uerbis. statuitur, qd sacrarum uirginum neque per raptum, neque per competitiones aliquas quisquam coniugia fortiatur: similiter de earum coniunctionibus abstinendum: & ij, qui eas rapere, aut competere uoluerint, à cōmunionē sunt remouendi.

Canone xij. primi Matisconeñ. concilij innouatur decretum primi Arelateñ. & Valentiñ. conciliorum iisdem ferè uerbis.

Concilij Tiburiē. huiusmodi extat decretum. Si quis sacro uelamine cōsecratam in coniugium duxerit, & post dicatum Deo propositum incesta fœdera sacrilegaq; miscuerit (ut in constitutis Gelasij Papæ cap. xx. legitur) protinus æquum est à sacra cōmunionē detrudi; & nisi per publicam probatamq; penitentiam omni-

DE COELIBATV SACER.

no non recipi: si tamen poenituerint, transeuntibus de seculo uaticuni non negetur. habetur etiam in c. Si quis xxvii. q. i.

Collegimus tot sanctissimorum Pontificum, & sacratissimorum conciliorum de Coelibatu decreta, quorum si spectes Candide Lector locorum interstitia, si temporum interualla, quibus sancita fuere, cognosces omnium ferè gētium nec unius sed plurium seculorum more receptum & cōprobatum decere, expedire oportere eos qui sacra ministrant, qui diuino obsequio se mancipant, castos & puros esse, & omnis concubitus immunditia carere; totoq; (ut aiunt) aberrare coelo qui nostra ætate audent improbare sacerdotum cœlibatum, cū obstinate contendunt Coelibatus legem cū iure diuino naturaliq; pugnare, ab ipsis dissentire conciliorum canonibus, supersticiosam & periculosam esse, infinita parere scādala peccata & corruptelam publicorum morum: quo dogmate impio cū innumerabiles mortales plus carni, quàm spiri- tui deditos in perniciosum errorem & baratrū pertraxerint, operæpretium esse existimaui- mus illorum fundamenta eruerè, quibus conati sunt impium suum dogma stabilire.

OBIECTORVM DISSOLVTIO.

Primū inquit, Genesis docet homines conditos esse, ut sint fecundi, ut sexus recta ratione sexum appetat: cū igitur sit coniugium opus

Dei; nec ordinatio Dei, nec Dei opus tolli possit sine singulari opere Dei, colligunt nec uotis id, neque statutis tolli posse.

Secundo loco ita argumentantur, Cum hæc creatio seu ordinatio in homine sit ius naturale, & sapienter iurecōsulti dixerint, coniunctionem maris & feminae esse iuris naturalis, naturaleq; ius immutabile sit, consequens uidetur semper manere ius cōtrahendi matrimonium: improbantes quod dicitur ab initio præceptum coniugium, nunc non esse præceptum, cū & nunc sicut olim homines secum afferant sexū. Hinc rethoricè exaggerantes exclamant. Sicut legibus humanis non potest natura terræ mutari, ne sit fecunda, ne germinet herbam uirentem: sicut aqua nec ui, nec arte cogi potest, ut perpetuò contra suum naturalem motum ascendat: sicut creata est hominis natura, ut non possit quis carere cibo & potu, aut aliis necessariis; ita & creata est, ut non possit non æstuarè, non flagrare desiderio sese propagādi, nec mutari potest hominis natura ne sit fecunda, ne sexus sexum appetat. Sicut nulli præcepit Deus ut esset masculus aut foemina, sed sic creauit, sic finxit & condidit, ut esset ex natura masculus & femina; sic non præcepit ut crescerent, & multiplicarentur; sed hoc naturæ & gemino huic sexui iniecit & indidit, ut in sese mutuò exardescant, & natiua ui atque impetu ad crescen-

dum & propagandum se ferantur. Hunc igitur impetum has flammās sic ipsi naturæ infinitas & sexui cognatas esse, ut nullis humanis aut ullius creaturæ uiribus cohercere aut reprimere ualeas, nisi Deus quem peculiari uocatione, aut dono sublimiore eximat.

- 43 His duabus rationibus, quæ inuicē cōnexæ sunt, respondebimus, quòd etsi homines conditi sunt, ut fēcūdi sint, ac natura ipsa duce sexus sexum appetat, ac etiam iuris naturalis sit maris & foeminæ coniunctio; non tamen naturæ hic instinctus in homine est, qualis est in brutis; quæ ex eo quòd à natura ducuntur, uniformiter agunt; idq; fieri oportet quod ius naturæ præcipit; quo uidemus animalia ratione carentia, quorum foetus non indigent paterno auxilio, indifferenter quancunque sui generis fēminam inire, & in suo quæq; genere uniformiter agere: terræ est germinare herbam uirentem; grauiū, descendere; leuium sursum ferri: aquā uidemus fluere, ignem adurere, & idem de ceteris: & hæc quidem ex necessitate. Non sic homines, nō sic; qui sponte agunt; qui libero utuntur arbitrio; qui uolentes operantur etiam naturæ opera, nolentes abstinēt: quibus etsi quæ admodum ceteris animantibus à natura tributum sit, ut sint fēcundi, ut sexus sexum appetat; tamen eisdem utpote animantibus ratione utentibus tributum est ab eadem natura, ut
- 44

sponte non necessario eligant quid faciendum sit, & à quibus abstinendum: cum in eorum electione non concurrant solùm uniuersalia principia, quæ à natura sunt inserta; sed ratio etiam considerans particularia. Et quoniam hæc pro temporum, pro rerum & personarum qualitate, quin etiam quandoque per errorem, qui fit in particularibus nō eadem sunt apud omnes, nil mirum si non sit unus uiuendi modus in omnibus; quod non minus in homine naturale est, quàm concupiscentia, fēcunditas & similia. Propterea homo diuinitatis particeps nec brutis, nec plantis ac multo minus elementis est comparandus.

Ad id uerò quod dicitur, Ius naturale immutabile est: maris & fēminæ coniunctio naturalis iuris existit. igitur nec legibus humanis, nec uoto tolli potest. Respondemus ius naturale immutabile dici, quòd in totum tolli aut mutari non possit, quemadmodum nec ius diuinum; quòd idem sit apud omnes gentes aut omnes nationes, nec uno quidē sēculo, sed ab origine mundi perpetua successione usque ad finem sēculi permāsurum. Non huiusmodi ius ciuile, quod non omnibus gentibus est cōmune, nec perpetuò manens, quodq; sēpius pro rerum, pro tē-
 4 5 porū ratione abrogatur & antiquatur. Ea uerò quæ iuris naturalis sunt licet in totum tolli non possint, immutari tamen, quod ad aliquos

pertinet, possunt, Exempla habemus de liber-
 tate à natura hominibus data: de cōmuni rerū
 possessione: de acquisitione eorum, quæ terra
 mariq; capiuntur. Hęc enim inter ea quę de iu-
 re naturę sunt, à iurecōsultis numerantur: quę
 iure gentium aliqua ex parte sunt immutata.
 Iure enim gentium introductę seruitutes: iure
 gentium rerū proprietates; quo dicimus, hoc
 meum, illud uerò tuum. Iuris naturalis est rei
 depositę, aut cōmendatę pecunię restitutio: &
 tamen si gladium qui apud te deposuerit sanę
 mentis, repetat insaniens, nō reddere officium
 erit, reddere peccatum. Et si is qui apud te pe-
 cuniam deposuerit, bellum inferat patrię, lice-
 bit non reddere. Nec mirum si ius naturale mu-
 tationem admittat: quandoquidem nec ius di-
 uinum prorsus sit immutabile. Exempla habe-
 mus de uotis, de iuramentis, de festi diei obser-
 uatione, & de alijs plerisq; etiam decalogi prę-
 ceptis; quę aliquando nos transgredi humana
 lege permissum est, & mutationem recipiunt.
 Quapropter licet ius diuinum & ius naturale
 immutabilia censeantur, quia in uniuersum
 tolli non possunt; nil tamen prohibet, quin ali-
 quibus & aliqua particulari ratione liceat ab eis
 recedere. Nec tamen negamus, quod sicut tali-
 ter creata est hominis natura, ut non possit ca-
 rere cibo & potu, aut alijs necessarijs; ita creata
 sit, ut non possit non cętuare, non flagrare de-
 siderio

- 46 **46** siderio sese propagandi, nec mutari possit hominis natura, ne fecunda sit, ne sexus sexum appetat. Cum hæc nec sacri baptismatis regeneratio, nec merita passionis domini nostri Iesu Christi, quibus ipsa innititur regeneratio, sustulerint. Sed his non repugnat, quin arbitrij nostri sit (adiuuante diuina gratia) huiusmodi nobis à natura inditæ concupiscentiæ nõ assentire, huic naturali resistere desiderio. Libido enim, ira, cupiditas, lætitia, tristitia & id genus alia etsi sint animi passionibus nobis à natura datæ; non tamen ita insitæ homini, ut eis resisti nõ possit; nec ita homini sunt naturales, quod etiam non sint eidem uoluntariæ. Aristoteles enim inquit, Ira & libido homini maximè naturales sunt, sed ira magis, quàm libido. Et propterea magis dedecet hominem nõ posse sese à libidine, quàm ab ira temperare: multoq; turpior est incontinentia circa libidinem, quàm circa iram. Ex quibus consequitur non minus quem posse abstinere ab actibus uenericis & libidine, quàm qui suapte natura iracundus est potest (si uelit) ab ira se temperare, ac illam cõpescere: quod multos prudentes uiros fecisse & facere, nemo est qui inficietur. Quid ergo prohibet hominem ratione utentem, sponte operantem, brutis plantisq; dissimilem concupiscentiam sibi ingentiam compescere, & licet exæstuet, cohibere, ne belluarum more in libi-

dinem feratur? Quod tum debet maximè cū Deo, cum ecclesiæ non coactus sed uolens & sciens continentiam promiserit.

Tertio loco obijciunt dictum illud Pauli, primo Cor. vij. Propter fornicationem unusquisque habeat uxore suam. Hoc mandatū (inquiunt) ad omnes pertinere, qui non sunt idonei ad Celibatum: propterea melius esse nubere, quàm uri. Et dominum dixisse. Non omnes capiunt hoc uerbum, sed quibus datum est. Mat. xix. Hoc præceptum ad omnes pertinere, qui donum Dei non sunt consecuti siue sacerdotes sint, siue laici. Locutum Paulum de coniugio tanquam de remedio, & propter illa incendia iussisse nubere. Addunt, hoc mandatum; Melius est nubere, quàm uri, nullam humanā auctoritatem, nullam legem, nulla uota tollere posse: quia hæc non tollunt naturam aut concupiscentiam. De hoc respondemus illud Pauli, Vnusquisque uxorem suam habeat; indulgentis fuisse, non mandantis. Suadet enim nolentem continere, uxorem ducere: nō absolute homini ducendam uxorem. Nam postquàm dixerat. Propter fornicationem autem unusquisque uxorem suam habeat, addidit. Hoc autem dico secundum indulgentiam, non secundum præceptum. Volo autem omnes uos esse sicut meipsum. Quod est dicere. Cupio omnes cœlibes esse, & mulierem non tangere, Quod

non dixisset, si fuisset præceptum. nec dixisset. Solutus es ab uxore? noli quærere uxorem. Si autem acceperis eam, non peccasti. Et si nupserit uirgo, non peccauit: tribulationem autem habebunt carnis: ego autem uobis parco. Nonnulli etiam interpretantur Paulum eo capite rescribere Corinthiis consulentibus, an esset habentibus uxorem, abstinendum à re uxoria; & tunc coniugatos alloqui, Bonum est homini mulierem non tangere, cõmuni scilicet consensu. sed propter fornicationem unusquisque uxorem suam habeat, suam scilicet non alienam, ad fornicationem euitandam: & unaquæque mulier uirum suum. Quod explicat subiiciens. Vxori uir debitum reddat: similiter autem & uxor uiro. Mulier potestatem sui corporis non habet, sed uir, ut scilicet abstinere possit inuito uiro. Similiter & uir sui corporis potestatem nõ habet: nolite fraudare inuicem, nisi ex consensu: ne scilicet nolens continere, incidat in fornicationem, si debitum ei negaretur. Quod autem additur. Melius est nubere, quàm uri: non excludit, quin melius sit coelibem esse, quàm nubere: nec astringit alterum illorum esse necessarium, quoniam qui continens est, nec uritur, nec uxori iungitur. Uri enim eum dicimus, qui continere non uult, & stimulo carnis nolens resistere, succumbit. Inde uri malum est, tentari autem nequaquã, iuxta illud Iacobi, ca. primo.

- Omne gaudium existimate fratres cum in uariastentationes incideritis. Et Paulus. Tēratio parit probationem. Et Tobie xij. ad Tobiam Angelus. Cum iustus esses, necesse erat, ut tentatio probaret te. Propterea dictum fuit Paulo
- 49 Sufficit tibi gratia mea: uirtus enim in infirmitate perficitur, secundæ Cor. xij. Et licet arbitrij aut facultatis nostræ non sit carere concupiscentia & stimulo carnis nobis cōgenitis; & ea nulla lege, nullo uoto tolli possit; nostræ tamen facultatis est, & hoc etiam nobis congenitum cum uolumus (adiuuante diuina gratia) huiusmodi concupiscentiæ non assentire, & ab eo actu abstinere, ad quem natura ipsa proni sumus.
- 50 Nec his aduersatur, quòd continentia donū Dei sit, nec omnes capiant hoc uerbū, sed quibus datum est. Quoniam non adeo Dei donū est; quòd illud habentes quasi prædestinati necessariò abstineant, laudante domino eos qui seipso castrant propter regnum cœlorum. Se ipsos inquit propria scilicet uoluntate, superna tamen adiuti gratia. Et propterea dixit Hieronymus. Nemo putet ex hoc, quòd continentia donum Dei sit; & ex hoc, quòd non omnes capiunt hoc uerbum, sed quibus datum est, uel fatum uel fortunam introduci, quòd n̄ sint uirgines, quos ad hoc casus perduxit. Quoniam id datum est à Deo ijs, qui petierint, qui uo-

luerint, qui ut acciperent laborauerint. Propè enim est dominus omnibus inuocantibus eum in charitate, uoluntatem timentium se facit, & deprecationem eorum exaudit. Et donum Dei non dari petentibus pugnat cū uerbis Christi. Sic enim ipse inquit. Si uos cū sitis mali, nostis bona data dare filijs hominum: quanto magis pater uester de cœlo dabit spiritum bonum petentibus se? Quapropter præclare Euthimius in illud Matt. cap. xix. Soli illi sermonem hunc suscipiunt & ferunt, quibus datum est hoc donum à Deo: datum est autem ijs, qui petierint. Petite enim ait, & dabitur uobis. Petentibus inquā non simpliciter sed feruenter & perseueranter & sicut oportet. Significatum est ergo uirginitatem donū Dei esse, & dari ijs, qui petunt ut oportet. Quod comprobatur Chrysostomus in eundem locum cū dixit. Ideo non omnes capere possunt, quia non omnes uolunt. Palma proposita est: qui concupiscit gloriam, nō cogitet de labore. Nemo uinceret, si omnes periculum timerent. Ex eo igitur, quod quidā à proposito continentię cadunt, nō exanimant cæteros. Quod ergo dixit, Quibus datum est, illud ostendit: quia nisi auxilium gratiæ acciperemus, nihil nobis ualeret. Hoc autē auxilium gratiæ uolentibus non denegatur. dicit enim dominus, Petite & accipietis. Nec etiam (ut dixit idem Chrysostomus, ad Hebræ. Omel. vii.)

51 oportet dicere, Non possum continere, & accusare conditorem, quod ei donum non dederit. Si enim impotentes fecisset nos Deus; nisi sciuisset quod omnes poterant, non dixisset Paulus. Volo omnes uos esse sicut meipsum. Quin imò cū eodem Paulo dicere debemus. Omnia possum in eo, qui me confortat, Deus. Quod si adest stimulus carnis, & cōcupiscentia nobis congenita nunquā tamen deest remedium ei, qui tentatur; quo liberari possit à lapsu: cū firma fide teneamus quod ait Paulus. Fidelis est dominus, non finet nos tentari ultra id quod possumus; sed faciet in tentatione prouentum, ut possimus sustinere. Non immeritò Cyprianus postquā Virginitatis consilium à domino & Paulo datum suis laudibus extulit, adiecit. Quod si diuinis consilijs obuiauere tentamenta, & liberatas mētes ad carnales reuocauerunt appetitus, adest Deus fortis; ne spem ponat homo in homine: nec in brachio carnis suæ confidat. Qui mundum uicit, uictoriam suis promittit militibus. His itaque datum est, qui uoluerint: & omnes difficultates superabit larga Dei bonitas; qui dat omnibus affluenter, & nō improperat eis; qui nobis pollicitus est, Si manseritis in me, & uerba mea in uobis manserint, quodcunque uolueritis, petetis; & fiet uobis. Et quanuis Paulus locutus sit de coniugio tanquā de remedio aduersus carnis incendia, ne quis

§ 2 uratur: ab ijs tamen dissentimus, qui censuere coniugium unicū & omnibus fore remedium. Quoniam si non aliud daretur remedium, sequeretur quòd si uxor in aduersam incideret ualetudinem, propter quā perpetuò foret impotens reddere debitum uiro, si nollet uir continere; secundā posset superinducere: quod utiq; absurdum esset. Haberet enim quis duas uxores: cum propter infirmitatem antèrius matrimonium non dirimatur. Non ergo ducenda uxor sacerdoti, quòd nullum possit aliud inueniri remedium, ne uratur: sed alio uti debet remedio, & cum Paulo castigare debet corpus suum, & in seruitutem redigere: humili prece diuinum implorare auxilium, ut adsit: nec non postulare Dei gratiam, & donum continentię: Deus enim & pater domini nostri Iesu Christi pater misericordiarum, & Deus totius consolationis non aspernabitur eum. Et qui dixit; Petite, & dabitur uobis: pulsate, & aperietur uobis, exaudiet eum. Qui uerò hæc neglexerit remedia, sibi imputet, non expectet ut de cælo sibi demittatur donum continentię.

His astipulatur Cyrillus libro ix. super Leuiticū, cum dixit. Non auditis ex diuinis scripturis, quod certamē est inter homines carnis aduersus spiritum, & spiritus aduersus carnem? & nescitis quia si carnē solam nutriatis, & ipsam frequenti mollitie, ac iugi deliciarum fluxu foueatis,

insolens necessest aduersus spiritum; & fortior illo efficietur? Quod si fiat, sine dubio cum in ditionem suā redactum suis coget uitijs obedire. Si uerò ad ecclesiam frequenter uenias; aurem diuinis literis admoueas; explanationem coelestium mandatorum capias, sicut cibus & delitijs caro, ita spiritus diuinis uerbis conualefcet, ac sensibus & cupiditatibus robustior effectus carnem sibi parere coget, ac suis legibus obsequi. Nutrimenta igitur spiritus sunt diuina lectio, orationes assiduæ, sermo doctrinæ: his alitur cibus, his conualefcit, his uictor efficitur. Quod quia non facis, noli conqueri de infirmitate carnis tuæ: tu eam aduersus spiritum armas, & potentem facis, cum eam carnibus satias, uino nimio inundas, omni mollitie palpas, & ad illecebras nutris. An nescis, quia non potest ædificium istud ecclesiæ ex leprosis lapidibus construi? audi quod dicit Apostolus, Modicum fermentum totam massam corrumpit: expurgate uetus fementum.

Fatemur tamen hanc uocem, Melius est nubere, quàm uri, nulla humana auctoritate, nulla lege, nullis uotis tolli posse. Sed hoc non excludit quin sit coniugio continentia præferenda: quòd si quem castitatis uoti poeniteat, nec uelit ipse continere, non propterea ne uratur, ducenda est illi uxor: quoniam ab hac potestate sponte se abdicauit: & cum ducere non possit,

uiti non potest hoc remedio; & si duxerit, non erit uxor sed adultera & sacrilega: nec de his coniugibus dici poterit Deum eos iunxisse, & si iudicio ecclesiæ separantur, nō tam ab homine quā a Deo separari censi debent; qui mandauit, Vouete & reddite domino Deo uestro omnes qui in circuitu eius affertis munera. Et, Redde altissimo uota tua. Siquis uirorū uotū domino uouerit, aut se constrinxerit iuramento, non faciet irritum uerbum suū. Et sicut coniugium nō est unicum remedium ne quis uratur, sic nec omnibus. Non enim his potest esse remedium quibus adhiberi non potest: nō secus ac si imperitus medicus potionē alioqui saluberrimam porrigeret patienti uomitū, qui eam aut recipere aut retinere non posset.

53 Quarto loco obijciunt antiquos canones non prohibuisse coniugia nec contracta dissoluisse: & si qui contraherent, remouerentur ab administratione: nouos canones prohibere contrahere, & contracta dissoluere contra mandatum Christi, Quos Deus coniunxit, homo non separet. Pugnare itaque pontificiam legem de Coelibatu cum antiquis conciliorum decreti. Respondemus falsum esse quod assumitur: antiquos canones non prohibuisse sacerdotū coniugia: cum prohibuerint illa apostolorum canones, & quæ supra citauimus conciliorum decreta non recentia sed ante undecies centenos

annos; quę etiam illa ut non iurę contracta dissoluerunt, imò irrita esse declararunt, quòd legitimo careant cōsensu; quo sponte non coacte seipso priuarunt, cum sacros ordines susceperunt. Et sicut habens uxorem legitimo caret consensu, quo possit aliam ducere: sicut qui rē suam uendiderit, illamq; emptori tradiderit, alteri uendere prohibetur: sic qui sacros susceperint ordines, qui se religioni addixerint, legitimo carent consensu, sine quo matrimonium irritum est, & inane nō minus ac infantis coniugium, aut si quis cum matre aut sorore contraheret: nec dici potest Deum hos coniungere, aut homines eos separare, cum non sit legitima coniunctio consensu legitimo deficiente.

54 **Q**uinto obijciunt Grangē. concilium cū dixit. Siquis dixerit presbyterum coniugatum quasi propter nuptias offerre non debere, & ab eius oblatione ideo abstinere, anathema sit. Et habetur in c. Siquis discernit. xxviii. dist. Cui respondemus eò tempore factum decretum quo permissum erat habentibus uxorem ad sacerdotium promoueri. Siluestro enim Pont. habitū est Grangē. concilium: quod tamen non permittit sacerdotes uxorem ducere, sed tantum nō improbat sacerdotem uxorem habere, quā ante sacerdotium duxisset.

55 **S**exto obijciunt illud Pauli Primę ad Timot. capit. iiii. Spiritus autem manifeste dicit, quia in

nouissimis temporibus discedent quidam à fi-
de attendentes spiritibus errorum & doctrinis
demoniorum in hypocrisi loquentium mēda-
cium, & cauteriatam habentium suam con-
scientiam prohibentium nubere. Quibus ex
uerbis colligunt legem Cœlibatus cum Paulo
pugnare, quòd eam dicat legem demoniorū.
Respondemus Paulum non hanc legem dam-
nasse, sed spiritu sancto dictante prænu-
ciasse in Ecclesia futuros hereticos, qui nuptias ī uni-
uersum damnarent, tanquā illicitas & à demon-
ibus inuentas, quales Encratitæ, Marcion, Ma-
nes, & Tacianus fuerunt; quos reprehendit Be-
da in Omel. De nuptijs. Canæ Galilææ inqui-
ens, quòd si toro immaculato debita castitate
celebratis nuptijs culpa inesset, nèquaquam do-
minus ad eas uenire, nec illas signorum suorū
initijs consecrari uoluisset. Nos autem nō dam-
namus nuptias in uniuersum, nō immemores
eius quod dixit dominus. Quod Deus coniun-
xit, homo nō separet: nec obliti eius quod dixit
Paulus, His qui matrimonio iuncti sunt, præ-
cipio non ego sed dominus, uxorem à uiro nō
discedere, non item illius quod dixit, Si accepe-
ris uxorem, non peccasti: & si nupserit uirgo
non peccauit, non illius quod dixerat in episto-
la ad Hebræ. Honorabile connubium, & torus
immaculatus. nec ignoramus coniugium esse
amoris imaginem, quo Christus complectitur

Ecclesiam. non denique immemores sumus præcepti Petri dati mulieribus, ut sint subditæ uiris suis: & uiris, ut præstent honorem mulieribus tanquam coheredibus gratiæ uitæ. Sed damnamus eos, qui post uotum cælibatus uxores ducunt, qui fidem suam irritam faciunt, qui non uxoribus sed sacrilegis & adulteris mulieribus copulantur: permittimus nuptias: neminem ad cælibatum compellimus.

Septimo obijciunt matrimonium mundum esse, quia sanctificatum uerbo Dei sit, cū dixit. Faciamus ei coadiutorium simile sui: masculum & feminam creauit eos, benedixitq; illis Deus. Matrimonium res est licita & approbata uerbo Dei: Christum uocasse coniugium rem diuinam, cum dixit. Quos Deus coniunxit, homo nō separet. Paulum dixisse, sanctificari uirum infidelem per uxorem fidelem. Non igitur interdicendum coniugium sacerdotibus, cū deceant eos quæ munda sunt, quæ sancta sunt, quæ bona, quæ diuina. Responsum his dedit Augustinus in Quæstionibus utriusque testamenti, quæst. cxxvii. cū dixit. Si forte dicatur, Si licet & bonum est nubere, cur sacerdotibus uxores ducere nō licet? Quis nesciat unūquēq; suam legem habere? Est enim quod omnino generaliter non licet: est item quod alijs licet, alijs non licet. Et est quod aliquando licet, aliquando non licet. Anteq; ecclesiasticus sit, licet

ei negociari; factum iam non licet. & Christiano cum uxore sua conuenire aliquando licet, aliquando non licet: propter enim dies processionis non licet conuenire; quia & laicis abstinendum ad tempus ut uacent orationi. Et ex post. Sicut ad comparationem lucernę tenebrę non tantum obscurę sed etiam sordidę sunt: ad cōparationem autem stellarū lucerna caligo est: ad solis comparationem stellę nubilosę sunt: ad Dei autem claritatem sol nox est. Ita quę ad nos licita & munda sunt ad Dei autem dignitatem illicita & quasi imunda sunt. quanquā enim bona sunt Dei tamen personę non cōpetunt. Ex quibus Augustini uerbis satis liquet, quod etsi coniugium mundum sit, uerbo Dei sanctificatum, res licita & sancta, continentię tamen comparatum, & habita ratione quales esse debeant ministri Dei, res est impura & sordida: & propterea magis decere sacerdotes & Dei ministros castitatem & continentiam.

Quod si dixerint interpretandum esse quod dicitur, sacerdotes mundos esse oportere, de munditia cordis. Et Esaiam cum dixit, Mundamini qui fertis uasa domini, iubere ut sacerdotes, habeant mentes non pollutas scortatione & alijs sceleribus; sed agant poenitentiam, Deo obediant, & locupletentur donis spiritualibus, timore, fide, constantia, & cæteris uirtutibus.

57 Respondemus quod mundities ista cordis, qualem

DE COELIBATV SACER.

deceat sacerdotem, quæ uberior esse debet, haberi non potest ab ijs, qui matrimonio copulantur. cum carnis uoluptas distrahat animum à Dei contemplatione. quanuis enim per actum matrimonij non separetur quis à Deo secundum habitum charitatis & gratia: nec de coniugatis dici possit illud Esaia. Iniquitates uestræ diuiserunt inter uos & Deum uestrum. cum nec crimen sit, nec peccatum. separat tamen secundum actum contemplationis & dilectionis. quemadmodum per animi occupationem circa res exteriores & licitas ac honestas quis retrahi dicitur à diuinorum contemplatione: à qua cū recesserimus, minor est cordis mundities: quæ comparata ei, quam deceat sacerdotem habere, immunditia dici potest, ut supra disseruimus ex sententia Augustini.

Octauo obijciunt illud Pauli ad Timot. cap. iij. & Tit. ca. primo. Oportet Episcopum esse unius uxoris uirum. quod non solum permittere, sed etiam necessitatem inducere uidetur. Respondemus uerba illa interpretanda, Episcopum oportere esse unius uxoris uirum, id est non plurium non bigamum, nec secundæ alligatum uxori: non autem eos, qui prouehuntur, uxorem habere debere, & si non habeant repellendos. Alioqui ipse, qui uxore caruit, & Ioânes apostolus. Episcopi non fuissent. Cui consonat quod dixit Hieronymus in lib. Annotationum super eo-

dem loco. Titi. Diaconi sint unius uxoris uiri. non ut si nō habent ducant, sed ne duas habuerint. Si enim digniorem faceret uxor, cur non magis bigami aut trigami ordinarentur?

Quòd uerò dixit Chrysostomus Omel. ij. in epistolam ad Tit. & eius abbreviator Theophylactus. Siquis est unius uxoris uir, filios habens fideles &c. cum inquit. Cuius rei gratia huiusmodi homines in medium adducit, obstruere prorsus intendit hereticorum ora, qui nuptias damnabant: ostendens eam rem culpa carere, iure ita esse pretiosam, ut cum ipsa etiam possit quispiam ad sanctum Episcopatus solium subuehi. De sacerdotibus orientalibus seu græcis intelligendum est, quibus licet uti matrimonio ante ordinationē contracto. Quemadmodum Pelagius non repulit eum ab episcopatu, qui habens uxorem & filios electus fuerat Episcopus Siracusā. ut habetur in c. De Siracusana xxxviii. dist. Sequebantur enim Siculi græcorum consuetudinem; uel fuit uxore permitte & continentiam promittente.

Idē Chrysostomus eundē tractans locū Omel. x. in priorem epistolam ad Timot. aliam attulit interpretationem cū dixit, Non hoc uelut sentiens scripsit, quasi nō liceat absque uxore Episcopum fieri, sed ei rei modum constituens, iudeis quippe licebat secundo matrimonio iungi, & duas simul habere uxores. quibus uerbis

DE COELIBATV SACER.

- bigamiam sacerdotibus interdictam innuit: & apud gręcos eum qui uxorem unam habebat,
- 59 Episcopum constitui posse. Nil mirum si Basilij pater uxorem habuit, cum factus est Episcopus, ut refert Gregorius Nazianzenus in Monodica in Basilium: & Polycrates Episcopus Ephesi dixerit, Et ego omnium uestrum minimus traditionem parentũ meorum obseruo: septem enim ex parentibus meis per ordinem fuerunt Episcopi, ego octauus: qui omnes obseruauerunt hunc dię, de die Paschę differens, ut refert Euseb. lib. v. Ecclesiast. Hist. ca. xxiiij. Sed nō multũ placet hęc interpretatio: tum quia tẽpore Pauli & annis ante ccc. desierant hebręi habere duas uxores, & ante id tempus ij tantũ habuerant, quibus diuina reuelatione permissum fuerat, & tẽpore quo opus fuerat multiplicari Dei cultores: tum etiam quia non rectę ex illo Pauli loco repellerentur a sacerdotio qui unam post aliam habuissent uxorem, si de habentibus simul duas uxores locutus fuisset. Pręterea non erat opus Paulum repellere a sacerdotio duas habentes uxores, cum tempore euangelicę legis ex Saluatoris p̄scripto nulli liceret duas habere uxores, etiā si ex gentilitate conuersus prius duas habuisset. ca. Gaudemus. de diuort.

Nono obijciunt de gręcis sacerdotibus, qui habentes uxores licite funguntur sacerdotio. c. cum Olim.

61 Olim. de cleri. coniug. Respondemus id esse, quoniam lex antequam recepta fuerit, excluditur per desuetudinem sciente & non contradicente legislatore, modo non sit iuris diuini, ex cōmuni Doctorū sententia in c. j. de treug. & pace. Cuius ratio est, quoniam in lege id tacite actum uidetur, ut post promulgationem recipiatur, & tolerante superiore legem non recipi pro nō lata habetur. c. in istis. §. leges. iij. dist. Nec censentur propterea græci legem cōtemnere, aut peccare Papa sciente, & tolerante eorum consuetudinē. quoniam nō semper quod statuit Rom. Ecclesia, uult aut cogit ab omnibus obseruari. Sicut in simili causa dixit canonum interpres, in c. clerici de uita & hone. cler. q̄ Transalpini non coguntur uti uestibus affibulatis sicut Itali, non obstante noua constitutione Inno. iij. in concilio generali, de qua in d. c. clerici. quia lex consuetudini Transalpinorū nō conueniebat: & ea de causa lex constrinxit eos, qui prius consuetudinem admiserant abstinendi ab uxoribus, quales erant occidentis sacerdotes: græci autem tolerati; quod apud eos consuetudo foret admitti ad sacerdotium coniugatos; etiam si cōmuni consensu continentiam non pollicerentur.

Decimo obijciunt, in lege permittebatur coniugium sacerdotibus, ergo nec nostris prohibendum: usum moderari posse per interualla, quē admodū laicis suadet Paulus abstinere ad tempus.

pus, ut uacent orationi. Nec ex hoc, q̄ oportet sacerdotes semper orare, oportet eos semper abstinere. quoniam & legis sacerdotes extra uicis suæ tempus orabant, nec tamē ab uxoribus abstinebant. Sed huius obiectionis responsum colligitur ex decretis summorum Pontificum & sacrorum conciliorum supra citatis, quòd scilicet sacerdotes legis per interualla seruibāt altari, nostri assidue & semper. illis permittebatur coniugium, quòd ex sola tribu Leui erant sacerdotes: propterea necessaria erat propagatio & coniugium, ne deperiret tribus. illud erat sacerdotium necessarium, nostrum uoluntarium. illi panes propositionis & hircorum sanguinem Deo offerebant; nostri panem uiuū, qui de cēlo descendit, & hostiam quę omnium sustulit peccata. Non itaque, cum non una sed plures sint diuersitatis rationes, sacerdotum ueteris & noui testamenti, ita licet colligere, sacerdotes ueteris legis extra uicis suæ tempus orabant, & uxoribus adhærebant. ergo & sacerdotes nouæ legis adhærere possunt.

Vndecimo obiiciunt decretum Ancirañ. concilij cum dicitur. Diaconi quicumque ordinantur, si in ipsa ordinatione protestati sunt dicentes se uelle uxores habere, nec posse continere: si hi postea ad nuptias peruenerint, maneat in ministerio: propterea q̄ his Episcopus licentiam dederit; quicunq; sanè tacuerint, & susceperint manus impositionem professi cōtinen-

63 tiam : si postea ad nuptias peruenerint, à ministerio cessare debebunt. Et habetur in c. Diaco-
ni. xxvij. dist. Quod indicare uidetur etiam pro-
motos ex Episcopi indulgentia posse coniugio
uti. Respōdemus id nequaquā ex eo decreto col-
ligi, sed hoc duntaxat, q̄ hi qui protestati sunt
se uelle habere uxores, si postea ad nuptias per-
uenerint, manere possunt in ministerio, propte-
rea q̄ his licentiam Episcopus dederit, non au-
tem q̄ retinere possint uxores : adeo q̄ in hoc
solo differētia sit inter eos qui protestati sunt,
& illos qui tacuerunt, quoniam hi priuātur mi-
nisterio, illi retinentur : uterq; tamen uxorem
dimittere tenetur. Nam etsi illi protestati sint
se uelle uxores habere, quia tamē permiserunt
se ordinari, carācterem receperunt, factō rece-
dentes à protestatione; ex quo irritum est con-
iugium: & quā duxerunt, post promotionem
tenentur dimittere, cū ordo sacer & cōtrahere
impediat, & contractū dirimat. c. si quis eorū.
xxxij. dist. c. j. de cleri. coniug. c. j. de uoto. lib. vj.
Consensus tamen Episcopi cū eximit à pœna
priuationis ministerij.

Duodecimo ut probent promotos ad sacros ordi-
nes in græca Ecclesia matrimonio iungi posse,
citant decretum Stephani Papę quod habetur
in c. Aliter. xxxi. dist. cū dicitur. Aliter se orien-
talium traditio habet ecclesiarum; aliter huius
sanctæ Rom. Ecclesiæ, nam eorum sacerdotes,
diaconi, aut subdiaconi in matrimonio copu-

lantur ridiculamq; dicunt & sophisticā glos-
satoris interpretationem cū dicit, copulantur,
idest copulato utuntur. quasi copulari non car-
naliter misceri significet, sed dūtaxat uxorem
ducere. Sed ipsi potius sunt deridendi, q̄ nō le-
gerint uel legisse dissimulauerint quod habe-
tur in sexta Synodo registratū in c. Quoniam
xxxi. dist. cum dicitur. In Romani ordine cano-
nis esse cognouimus traditum eos, qui ordinati
sunt, diaconi uel presbyteri, confiteri q̄ nō suis
iam copulentur uxoribus. Ex quibus uerbis re-
cte colligi potest, uocem hanc copulari signifi-
care cum ante susceptis uxoribus commisceri.

- 64 Idem designat uerbū decreti Stephani, in ma-
trimonio copulantur. Si enim de matrimoni
noua coniunctione intellexisset, non dixisset,
in matrimonio, sed matrimonio copulantur.
Et hic est germanus illius decreti sensus.

Decimotertio obijciunt illud Augustini in lib. De
bono Viduitatis ad Iulianum quod habetur in
c. Quidam. xxvij. dist. cum dicitur. Quidam
nubentes post uotum asserunt, adulteros esse.
Ego autem dico uobis, q̄ grauiter peccant qui
tales diuidunt, licet Gratianus citet Augu. lib.

- 65 de bono coniugali ad Iulianum. Respondemus
Augustinum de simplici uoto locutum, quod
impedit contrahendum: non tamen dirimit
contractum. c. consuluit. c. rursus. Qui cleri. uel
uouen. c. i. de uoto. lib. vi. Ratio autē diuersitatis
ex sententia Diui Thomæ in. iij. dist. xxxvii.

arti. iij. est quia per promissionē quæ fit in uoto simplici nemo trāsit in alterius potestatem; transit autem per solenne religionis uotum. & per matrimonium: quibus quis amittit sui corporis potestatem. aut etiā quia simplex uotū promissio est de futuro, solenne de præsenti. Et quemadmodum sponsalia de futuro soluuntur per matrimonium uerbis de præsenti contractum, sic uotū simplex per matrimonium; & quæcunq; uota simplicia per ingressum religionis. Non autem ratio est, q̄ uoti solennis transgressio peccatum sit & scandalum, nō ita dem simplex. quoniam esse potest q̄ simplex uotū magis publicum sit, q̄ solenne: & solenne sine scandalo, si solēniter uouens in longinquis regionibus ubi eius professio ignoraretur, matrimonium contraheret; & simplex cū scandalo, si publicū foret & notorium ipsum uouisse.

Quòd si quis dixerit, solēnitas uoti non maius robur tribuit, q̄ iuramentum: sed uotū simplex cum iuramento non dirimit cōtractum. c. Requisiuit de sponsa. igitur nec uotum cum solēnitate. Respondemus ex uno aliud nō inferri:

66 quoniam per iuramentum quis non transit in alterius potestatem, quemadmodum per solēne uotum. Itaq; sponsalia etiā iurata soluuntur per subsequens matrimonium, per quòd quis transit in alterius potestatem, non p̄ sponsalia iurata. Illud autem Celestini. iij. de quo in c. Rursus. Qui cleri, uel uouen. q̄ uotū sim;

plex non minus obligat, q̄ solenne aut cū iuramento. intelligendum est non minus obligare, quia uterq; uoti reus est, & Deum offendit; sed non quo ad dirimendum, his quas diximus rationibus. hęc sanctus Thomas secunda secūdā, q. lxxxviii. ar. vii.

- 68 Decimoquarto obijciunt nullum emitti uotum in sacrorū ordinū susceptione, cū castitas promittatur duntaxat quatenus humana fragilitas permiserit. quę uerba minime uidentur coniugium excludere. Respondemus q̄ etsi uotum exteriore oris prolatione minime explicetur, publico tamen facto in facie Ecclesię tacite recipitur, cū scilicet non ignorantes Ecclesiam ipsam spiritus sancto dictante cōstituisse, neminem ad sacros ordines conscendere, qui nō proposuerit se caste uicturum, solenni consecratione ordines suscipiunt à Pontifice sacrorū administratore. quod indicant. c. Nullum. c. Decernimus. xxviii. dist. c. Quoniam. xxxi. dist. Et q̄ uotū sit, attestatur Origenes in Nume. cap. iij. cum inquit. Mihi autem uidetur, q̄ illius solius est offerre sacrificium indefinens; qui indefinēter & perpetuò se deuouerit castitati. Eius cōtestis est Beda, quē Venerabilem appellarunt, super illud Matth. cap. x. Qui potest capere capiat. cum inquit, Ante q̄ coeperit sacerdos esse per uotum, uideat si potest adimplere promissum. Deinde subiiciens. Qui iam consenserit esse sacerdos, uoto castitatis se spōte cōstrinxit.

Astipulantur his, iura, quibus habetur *græcos* uotum castitatis non suscepisse. c. Vt clericorū. De uita & hone. cleri. c. cū Olim. De cleri. coniug. & decretorū aggregator Gratianus in. c. i. xxxviii. dist. cū dixit. Ecce ostensum est, q̄ nolentes uouere castitatem nec ad subdiaconatū, nec ad superiores gradus ascendere possunt. citans Gregorium ad Petrum subdiaconum cū dixit. Nullum facere subdiaconū Episcopi præsumant, nisi qui se caste uicturum promiserit. Et alibi inquit. Orientalis ecclesia cui sexta synodus uiuendi regulam præscripsit, uotū castitatis in ministris non suscepit. eo. c. Quoniam. in fi. xxxi. dist. q̄ etsi tacitum uotum uideatur; nil tamen repugnat esse solenne, & obligatorium ex canone Ancirañ. concilij. cap. x. & habetur in c. Diaconi. xxviii. dist. Quicunq; sanè tacuerint, & susceperint manus impositionē, si postea ad nuptias peruenerint, à ministerio cessare debebunt.

- 69 Decimoquinto obijciunt quòd dixit Augustinus de Ciuit. Dei. lib. xv. cap. xvi. Continentiam ministrorum inter consilia numerādam. & habetur in c. Cum igitur. xxxv. q. i. per illud Apostoli primę Corinth. cap. vii. De Virginitatibus præceptum domini non habeo: consilium autem do. Et iuxta illud Ambrosij quod habetur in c. Integritas xxxij. q. i. Integritas corporis expetenda à nobis est; quā ego pro consilio suadeo, non pro imperio præcipio. Sola enim

DE COELIBATV SACER.

70 uirginitas est, quæ suaderi potest, imperari nõ potest: res magis uoti, q̃ præcepti. Responde-
mus nemini ab ecclesia imperari uirginitatem aut continentiam. Quoniam sicut unicuique liberum est suscipere sacerdotium, sic unicuiq; est liberum uirginẽ esse aut continentẽ iuxta illud Deutero. xxiij. Si nolueris polliceri, absq; peccato eris: quod autẽ semel egressum est de labijs tuis, obseruabis & facies, sicut promisti domino Deo tuo, & prõpria uoluntate, & ore locutus es. Ideo non sequitur, non decet sacerdotem uxore ducere. ergo integritas imperatur, quia nemo cõpellitur, ut fiat sacerdos. Si-
cut non sequitur, non licet ei qui habet uxore, illa repudiata aliam ducere. ergo quis uxorem ducere prohibetur: cum non repugnet, quod prius erat uoluntatis, postea fore necessitatis. Propterea Magnus Basilius sermone iij. Exer-
citationum seu de institutionibus monachorũ dixit. Siquidem desideramus secundũ similitu-
dinẽ Dei caractere animæ nostrę per puri-
tatem à uitijs exornari, ut per hoc etiam uitæ nobis perpetuitas accedat, attendamus nobis ipsis, ne forte siquid promissione indignũ facia-
mus, in Ananiæ iudiciũ delabamur. Poterat quidẽ Ananias ab initio possessionẽ suam Deo non promittere. Verũ quoniam respectu ad humanã gloriam factõ possessionem quidem & opes suas per promissionẽ Deo consecrauit, ut homines eũ imitarentur ob magnificẽtiam.

à condemnatione non recessit: & tantā cognō-
 uit contra seipsum indignationem; cuius exē-
 cutor Petrus erat, ut neque penitentiae fores re-
 periret. Itaq; ante promissionē castae uitae licet
 uolenti iuxta id quod cōcessum & legitimum
 est ad uitae consequentiam sibi congruā deue-
 nire, & seipsum nuptiarū coniugio cōmittere.
 Verū enim qui praeoccupatus est, ppter piam
 professionē custodire conuenit seipsum Deo,
 uelut sacra quaedam Deo dicata donaria, ut ne
 sacrilegij crimen incurrat, si dicatū per profes-
 sionem Deo corpus rursus cōmunis uitae mini-
 sterio sordidum faciat, Eodem tamen sermone
 cunctos adhortatur ut prudenter & cū exami-
 natione uoto se astringat, cum inquit. Adhor-
 tor, ut ne citra examinationem hoc faciat quis,
 ne inopinatis seipsum imittens certaminibus,
 deinceps impotens existens, ad resistēdum in-
 gruentibus experimētis inueniatur, recurrens
 ad ea, à quibus egressus est, cū pudore & risu,
 cū animae condemnatione rediens ad uitam, &
 multis scandalum fiens, & uitae ac conuersatio-
 nis in Christo possibilitatē apud omnes suspe-
 ctam faciens; cuius periculū nostis omnes, qui
 euangelia legitis; in quibus ipsa diuina uox
 dixit. Expedit ipsi magis, ut suspendatur mola
 asinaria in collo eius, q̄ ut unum ex pusillis his
 per scandalum offendant. nō enim solum deser-
 toris condemnationi obnoxius erit, sed & inte-
 ritus eorum, qui ab ipso euerfi sunt. Et si ratio-

cinis mentē fallentibus sibi ipsi persuadere uideatur, q̄ per bona opera inuitū se numen placaturum esse cōfidat, quod impossibile est. Idē prēclare docet Bernardus in Tract. De p̄cepto & dispensatione, his uerbis. Regula omni homini proponitur: imponitur nulli. prodest, si deuote suscipitur & tenetur: non tamen, si non suscipitur, obest. Quod autem in uoluntate est suscipientis, non in uoluntate proponentis, uoluntarium meritō dixerim, non necessarium. attamen hoc ipsum quod dico uoluntarium, si quis ex propria uoluntate semel admisit, & promiserit deinceps tenendum; profecto in necessarium sibi ipse conuertit: nec iam liberum habet dimittere, quod ante tamen non suscipere liberum habuit. Ideoq; quod ex uoluntate suscepit, ex necessitate iam tenebit. quia omnino necesse est eū reddere uota sua, quæ distinxerunt labia sua, & ex ore suo aut condemnari iam, aut iustificari.

- 72 Decimosexto obijciunt decretum sextę Synodi, quo cauetur, ut presbyter uel diaconus, qui religionis causa uxorē expulerit, excōmunicetur: si uerō in hoc perseuerauerit, deponatur. & habetur in c. Quoniam. xxxi. dist. Respondemus de græcis locutam synodum, quibus (ut diximus) legem pręscripsit: Quod in eodem decreto subiicitur his uerbis. Itē oportet eos, qui altari ministrant, in tēpore oblationis sanctorū continentes esse, ut à Deo possint

consequi, q̄ suppliciter postulant. Potest etiam interpretari de sacerdotibus, qui de uxorū cōsensu promoti sunt, q̄ non debent abijcere uxores quo ad curam sollicitudinem & necessario-rū subministrationē, iuxta decretū Leonis ix. quod habetur ī c. omnino. xxxi. dist. his uerbis. Omnino confitemur nō licere Episcopo, presbytero, & diacono propriam uxore causa religionis abijcere à cura sua; sed ut uictum & uesitum largiatur: sed non ut cum illa carnaliter ex more iaceat, sicut & sanctos apostolos egisse legimus, beato Paulo dicente. Nunquid non habemus potestatem mulierem sororem circumducendi?

73 Decimoseptimo obijciunt non esse prudentis uouere, & se tāto oneri quod pauci ferre possunt astringere. iudæos dicere nihil agere aliud Christianos q̄ tradere filios & filias igni libidinis urendos, dum perpetuo eos addicunt coelibatui, ac ueluti imolare idolo Moloch, igni scilicet cōcupiscentiæ traducendos: plures fore qui continentiam appetentes, sese exponunt grauissimis incontinentiæ periculis. Respōdemus cū Ambrosio, ergo nemo militet, ne aliquādo uincatur: nec pedis utatur obsequio, qui gradiendi periculum reformidat: nec oculi intendat officio, qui concupiscentiæ timet lapsum. hac certe ratione testā nūq̄ essent subeunda, nequis ē tecto lapis delapsus nos offendat: nec fabricanda arma; nam pleriq; gladio periere.

74 Sed nec sumendus ad sedandam famem cibus; nonnulli enim faucibus obstruētis interiere. nā & quidā acino, alius uerò pilo strangulatus est. Sed & in ipsum Deum hæc noxa perueniret, si huiusmodi querela locum habeat: qui & præcepta tulit: in quibus offendimus omnes: & elementa creauit; quorū pestilens afflatus multa hominū millia ad interitum perducit. Vouentibus autem cum Augustino dicamus. Non te uiuisse poeniteat: immo gaude iam tibi non licere, quod cū tuo detrimento licuisset. felix necessitas, quæ ad meliora cōpellit. Quòd autem pauci id oneris ferre possint, id est quia pauci uolunt. Sat est ut possint qui uoluerint, qui illud à Deo postulauerint, qui ad id uitæ genus se addixerint. nec carnis stimulus aut pugna illa continua dāmnanda, cum præmia proposita sint legitimè certātibus: & quo diuturnior est pugna, insignior est uictoria.

Nec sibi blandiantur sacerdotes concubinarij, q̃ non uiolent uotum, sed duntaxat, si acceperint uxores, ex eo q̃ uotū non sit de his quæ à Deo præcepta sunt, ad quæ quis astringitur diuino mādato. quoniam & de his quæ alias præcepta sunt, uotum fieri potest: sicut habetur Gene. cap. xxviii. de Iacob; qui post scalæ, & angelorum ascendentium & descendentium uisionē, post plura quæ pie locutus est, uotū uouit his uerbis. Si fuerit dominus mecum; & custodierit me in uia, per quā ambulo; & dederit mihi

pānem ad uescendum, & indumentum ad induendum; reuersusq; fuero ad domum patris mei, erit mihi dominus in Deum &c. Queniam admodum etiam iuramentū præstatur in his, ad quæ quis aliter tenetur; cum quis iurat de restituendo depositum aut mutuam pecuniam, & testis de ueritate dicenda.

75 Decimooctauo obijciunt canonē xvi. Chalcedonē. concilij & habetur in c. si qua uirgo. xxvij. q. i. in quo postq; dixerat Virginem quæ se domino Deo consecrauit, similiter & monachum non licere nuptialia iura contrahere. q. si hoc inuenti fuerint perpetrantes, ex cōmunicentur. subijcitur. Confitentibus autē decreuimus, ut habeat authoritatem eiusdem loci Episcopus misericordiam humanitatemq; elargiri. uidetur enim saltem dispensatiue & uirginē sacram, & monachū posse in coniugio permanere. Respondemus canonū interpretes id exponere non de dispensatione, sed Episcopū misericordiam & humanitatem elargiri posse in relaxatione poenæ, uel mitiori reconciliatione.

76 Decimonono citant Cyprianum, quē aiunt suadere ut mulieres nubant, quæ non seruant promissam castitatem. cuius uerba hæc sunt, lib. i. epistola xi. Si autem perseuerare nolunt, aut non possunt, melius est, ut nubant, quàm in ignem delictijs suis cadant. Respōdemus Cyprianum locutum fuisse de his uirginibus, quæ statum suū continenter & firmiter tenere de-

creuerunt, de quibus consultus fuerat; non de his, quæ castitatem uouissent; quas teneri ad noti obseruationem ipsemet comprobauit pluribus testimonijs ueteris & noui testamenti, lib. iij. ad Quirinum. cap. xxx. Diuersa enim sunt propositum uirginitatis habere, & uotû castitatis emittere: propositum mutari potest: uotum, potissimû cum solenne est, nequaquã.

- 77 Vigesimo obijciunt illud Toletan. concilij cum dicitur, Tolerabilius esse stultæ promissio nis uota reijcere, q̃ per inutilium promissorû custodiam, criminum implere mensuram. & habetur in c. si publicis. xxij. q. iij. Item illud Ambrosij lib. primo Officiorum, quod dicitur. Est etiam cōtra officium nonnunquã promissum soluere. propterea dānatur Herodes, qui cum iurasset se daturum quicquid postularet Herodiadis filia, caput Ioānis præstitit, ne promissum negaret. Et habetur in c. Est etiā. xxij. q. iij. & excusatur Dauid q̃ ad preces Abigail prudentis mulieris abstinuit à cede & direptio ne bonorum Nabal: quod tamen prius iuraue rat. & habetur in c. Quod Dauid. ea. ca. & q. Cum igitur plures stulte & incōsulte uoueant continentiam, quam postea seruare nequeunt, uidetur eis licere à promissis resilire, & uxorẽ ducere: ut scortationes, incestus & alia flagitia euitentur.
- 78 Respondemus Toletan. concilium & alia iura quæ citauimus, sensisse de illicitis promissis, quæ sine dispendio æternæ salu tis

seruari non possunt. At seruare castitatem nō recidit in detrimentum salutis æternæ. immo tutior est uia ad eam consequendam. Quapropter etiam qui inconsultè promississet seruare teneretur : nec excuset excusationes in peccatis, q̃ continere nō possit, quoniam nō potest, quia non uult. uelit, & poterit.

- 79 Vigesimo primo obijciunt, si ex inedia uitæ periculum immineret, liceret ieiunium soluere : cur & sacerdoti si ex ueneris abstinencia (quod fieri potest) in aduersam incideret ualitudinem, cui mederi non possit nisi ex usu ueneris, non licebit uxorem ducere? cum hæc uiri & mulieris coniunctio peccato careat. Licere autem propter uitæ periculum ieiunium soluere exemplum habemus de Spiridone Cyprio
- 80 Episcopo lib. j. cap. x. Tripart. hist. qui cum instante iam quadragesima amicus ad eū ex itinere diuertisset, quibus diebus consueuerat cū suis continuare ieiunia, & die certo comedere, uidens peregrinū ualde defectum, nedum soluit ieiunium, sed etiam carnes suillas, cum nil aliud domi haberet reconditum, cum eo comedit: ne ille qui cibo egebat, recusaret quadragesimæ tempore carnes comedere, & fame periret. Quod si id licuit Spiridoni pro alterius salute; multo magis licere debet uti Venere pro suimet conseruatione. Respondemus non admittendum, uitæ periculum posse imminere ex Veneris abstinencia : nec recte comparari

DE COELIBATV SACER.

cibi, & Veneris abstinentiam, cum hæc ad speciei, illa ad indiuidui conseruationem à natura animantibus sit tributa.

NON ABROGANDVM DECRE- TVM COELIBATVS.

81 Cum tot sacrorum conciliorum, tot sanctissimorum patrū testimonijs, tot insuper rationibus & argumentis satis perspicuum sit rite esse latam legem cēlibatus sacerdotum, cumq; satis constet q̄ sint aduersariorum rationes infirmæ, qui legem inuālidam, & impossibilem eius obseruationem asserere nituntur, non desunt tamē qui media quadam uia incedere uolentes in ea sint sententia, q̄ cum in tanto sacerdotum numero rari admodum sint, qui caste uiuant, complures autem inueniantur qui palām cōcubinas habeant, aut secretis libidinibus contaminentur, unde & diuina mysteria cum minore q̄ par sit reuerentia contrectantur, & ob uitam rectorum ecclesiæ probrosam, contemnatur à populo eorū doctrina, ludibrioq; habeatur ecclesiasticus ordo, ecclesiam posse & debere antiquata priori lege statuere, ut qui uellent ex sacerdotibus permanere nuptiarum immunes, permitterentur uti libertate, degerent solitarij atque singulares, & sine coniugis consortio. Qui uerò frustra tentatis remedijs uincere carnis rebellionē non possent, permitterentur etiam post ordinationem ducere uxorem, cum qua caste uiuerent; & quā haberent
pro

pro remedio suæ infirmitatis, non ad uoluptatem. Culpantes tamen eos qui priuata auctoritate spreto legis præscripto & ecclesiæ auctoritate id præsumpsere, suam assertionem exemplo confirmantes; cōmutasse ecclesiam nocturnas uigilias cum ieiunio diurno, & uespertinā refectiōem cum meridiana propter scandala & hominis imbecillitatem: coelibatum nō esse necessarium ad salutem: potuisse à græcis per desuetudinem antiquari legem, cur nō possent latini ecclesiæ auctoritate cōsueuisse ecclesiam etiam bonas leges pro rerum & temporū momentis mutare, cū maxime quę utiles fuere ad detrimentum uergere deprehendantur, & eo careant effectu, propter quę sunt constitutæ.

82

His fauere uidetur sanctus Thomas secūda secundę. q. lxxxviiij. ar. xi. cū fatetur continentię uotum non essentialiter ordini sacerdotali annexum, ab ecclesia indictum ab eadē ecclesia tolli posse, quemadmodum Lateranē. concilium sustulit prohibitionem iungendi se matrimonio his qui consanguinei uel affines fuissent quinto sexto aut septimo gradu. c. Nō debet. De consang. & affi.

Abbas etiam Siculus insignis canonum interpret huic sententię subscripsit in c. Cum olim. De cleri. coniug. his uerbis. Credo pro bono & salute animarum, q̄ esset salubre statutum ut uolentes continere & magis mereri, relinquerentur uoluntati eorum; non uolentes autem con-

F

tinere, possent contrahere. quia experientia do-
cente contrarius prorsus effectus sequitur ex
illa lege continentia; cum hodie nō uiuant spi-
ritualiter, nec sint mundi; sed maculentur illi-
cito coitu cum eorum grauissimo peccato, ubi
cū propria uxore esset castitas. c. Nicena. xxxi.
dist. Vnde deberet ecclesia facere quod bonus
medicus, ut si medicina experientia docēte ma-
gis officit q̄ profit, eam tollat. Cui consensit &
Pius. ij. Pont. si Platinæ credimus.

- 83 Accedit q̄ non pugnat coniugium cū sacer-
dotio: quoniam non solum cum uir consentien-
te uxore ingreditur religionem, etsi teneatur
& ipsa castitatem seruare aut profiteri, uxor ta-
men manet, cum uinculum sola morte dissol-
uatur: Quin potius est dare casum etiam in
occidentali ecclesia, in quo maritus sacerdos te-
netur reddere debitum uxori: quando scilicet
maritus inuita uxore sacros susciperet ordines.
de quo in c. Verum. De conuer. coniug. tunc
enim characterem reciperet, & fieret uerus sa-
cerdos, maneret tamen matrimonium, & uxo-
ri repetenti teneretur adhærere, & debitū red-
dere, nec enim sacri ordines matrimonium di-
rimunt, nisi cū prius suscipiuntur. Potest etiā
84 quis esse monachus sua consentiente uxore, &
tamen cōpelli uxori adhærere, cū scilicet uir de
uxoris licentia religionem ingreditur, ipsa non
proficiente castitatē: factus est enim uerus mo-
nachus: & licet uxor, q̄ dando licentiam seruis

tuti renunciauerit, illum repetere non possit; Episcopus tamen ex officio iure poterit monachum de monasterio abductum uxori restituere, ex doctorum sententia in c. Cum olim. De cleri. coniug. Quod etsi mirum uidetur, cōmuni tamen sententia receptum. Illum autem fore uerum monachum colligimus ex eo, quòd mortua uxore ad monasterium redire compellitur; & si cum alia contraheret, esset separandus, ut statuit Vrbanus iij. & habetur in c. Ex parte. De conuer. coniug. Nisi enim uerus monachus foret, minime dissolueretur secundum matrimonium.

Nobis placere non potest hæc sententia: nec enim in controuersijs religionis & fidei diuidere aut moderari debemus sententias, quemadmodū arbitri aliquid utrique parti cōdonantes, ut hi facere uidentur, qui ueræ & antiquæ religionis cultoribus concedunt id nequaquā licere priuata authoritate & quandiu extat lex coelibatus: aduersarijs uerò propter publica q̄ pretextunt scandala, & animarum periculum niutari posse, atque debere etiam quoad eos qui in sacri characteris susceptione uotum emisere. Nobis autem uidetur neutrum cōcedendum, quoniam & si arbitramur ecclesiam antiquata coelibatus lege posse decernere, ne in posterum à promouendis continentiae uotū exigatur, quo fieret, ut non peccarent sacerdotes qui uxores ducerent. Non tamē id statuendum putamus, cum

illæ eēdem uigeant rationes, propter quas indi-
 cta fuit lex cel. batus, quibus recepta, & quibus
 per tot secula usu cōprobata. non enim coniu-
 gio distrahendi sunt sacerdotes à diuinarum re-
 rum contemplatione, nō à iugi altaris ministe-
 rio; non indulgendæ uoluptates, quæ impuros
 ac immundos eos reddant, non trahendi ad se-
 cularia negocia ut augeant patrimonium, & fi-
 lijs thesaurizent; non danda occasio dilapidan-
 di Ecclesiæ bona; non confundendi cū ecclesiæ
 periculo clericorum & laicorum ordines, quod
 esset omnes ad secularem uitam traducere: quę
 potiores causæ fuere condendæ legis celibatus.

- 86 Nec ideo mala lex, q̄ multi sint præuaricato-
 res, non ideo abroganda q̄ à pluribus uioletur.
 quoniam omnes ferè leges eadem ratione abo-
 lende forent; eadem ratione tollenda omnia iu-
 dicia, q̄ legum multi sint præuaricatores, q̄ le-
 gibus, quæ factæ sunt ut mali puniantur, & bo-
 ni in pace uiuant, iniusti iudices abutantur, iu-
 stos & infontes sæpe condemnando, & noxios
 absoluendo. Nec enim uinum malum est, q̄ eo
 87 plures ebrii fiant. proinde cum Augustino ad
 Publicolam dicere possumus. Absit ut ea quæ
 propter bonum & licitum facimus, siquid pro-
 pter hoc præter nostram uoluntatem cuiquā
 mali acciderit, nobis imputetur. alioqui non
 plantanda arbor, ne quis in ea se suspendat, nec
 fenestra facienda, nequis ex ea se præcipitet, &
 habetur in c. De occidendis xxij. q. v. non igi-

tur imputandum legi, q̄ mala sit, q̄ ex illius
præuaricatione plura sequantur scandala, sed
illius transgressioni. Quod si dicatur ad ea quę
raro eueniunt, iura non respicere; raro autem
accidit, q̄ quis ex arbore se suspendat, è fene-
stra se præcipitet, aut uino se inebriet. at uero
accidit sæpius, ut sacerdotes sint incontinentes
impuri scortatores & adulteri. Ferenda igitur
noua lex, quæ his occurrat malis, & coelibatus
lex abroganda, q̄ inutilis sit; q̄ laqueum ini-
ciat; q̄ minime obseruetur. Respondemus id
non recte colligi, quoniam si legis transgressio
iusta esset causa legis abrogandæ, daretur im-
probis occasio optimam quanq; legem trans-
grediendi, ut eo leuarentur onere, opusq; foret
cunctas leges abrogare, quæ ad bene beateque
uiuendum sunt institutæ. At (inquiunt) abro-
ganda lex, q̄ pariat infinita scandala, peccata
& corruptelam publicorum morum. Itē abro-
gandę leges cum uergunt in detrimentum rei-
publicæ. c. Suggestum. De decimis. Sed hæc
obiectio facile diluitur ex eo q̄ non leges bonæ
in detrimentum uergunt reipublicæ, non scan-
dala pariunt, non corruptelam publicorū mo-
rum; sed earum contemptus & transgressio;
tollenda itaque transgressio non ipsa lex; quæ
mala huiusmodi uetat, & punit. Quod uero
aiunt sublata lege cēlibatus & permissio coniu-
gio, quod aduersus stimulum carnis est saluber-
rimum remedium, omnis illiciti concubitus

- 89 occasione tolli. cōsulendum igitur permissio
coniugio imbecillitati humanæ, refelli facile
potest, q̄ nec eo securi essemus tolli omnem li-
bidinem. Videmus enim innumeros coniuga-
tos non sua contentos uxore, alienas appetere,
(ut sunt furtivæ aquæ dulciores) concubinas
alere, & ad uaria libidinum genera delabi, nec
tamē tollendum coniugium ut minus peccent
homines, q̄ adulterium graue sit delictum.

- Nec admittimus quidem quod dixit Abbas Sicu-
lus, tollendam cēlibatus legem, q̄ magis officiat
q̄ profit, ad medici imitationem, qui à pharma-
co abstinet propinando, cū experientia didicit
90 illud magis obesse q̄ prodesse. Quoniam nil
obest lex cēlibatus sed iuuat & prodest; obest
91 autem eius transgressio. Imitandi sunt peritio-
res medici, qui ægrotis persuadere conantur,
ut medicinam recipiant, receptam retinere ni-
tantur, nec abiiciant, etiam si nauseam faceret;
quam si ad primum aut secundum stomachi
motum impatiens turbationis euomuerit, nec
retinere conatus fuerit, nō medici culpa est sed
ægroti, si medicina sua careat uirtute, & ipse
deterius se habeat.

- 92 De sancto autem Thoma dicimus quod &
si asseruerit tollere ecclesiam posse cōlibatus
legem, quod nec ipsi quidem negamus: non ta-
men persuasit tollendam, & indulgendum con-
iugium constitutis in sacris. Quauis autem si
coniugatus inuita uxore fiat sacerdos aut mo-

nachus teneatur uxori debitum reddere, rite tamen administrare non poterit, & carebit, ni perperam fiat, usu & executione ordinis, quia pugnare inter se uidentur coniugalitatis coniunctio & sacerdotium.

- 93 Postquam differuimus quod non licet, quod non decet, quod non expedit legem coelibatus sacerdotum abrogare, consequens est ut quaeramus; an, si adsiturgens necessitas aut utilitas, liceat speciali quodam casu cum aliquibus super huiusmodi uoto dispensare. Pro cuius quaesiti responsione praemittendum quod in his, quae sunt semper & omni casu bona, nulla fieri potest dispensatio; qualia sunt primae tabulae diuinae legis precepta, quales & articuli fidei; de quibus Leo magnus censuit, quod nulla possunt ratione conuelli, & habetur in c. Sicut. xiiij. dist. In his etiam quae semper & omni casu sunt mala nullatenus dispensandum, nec praecipienti obediendum: & ea sunt de quibus dixit Philosophus iij. Aethi. ad quae homo cogi non debet, sed magis moriendum patiendo durissima, ut eius uerbis utamur. In medijs autem quae sui natura indifferentia sunt, ad bonum & malum moris; uel quae communiter mala sunt, sed aliquo casu expediunt, superioris auctoritate quod prius illicitum fuit, licitum redditur contra iuris rigorem dispensando; non minus quam in his quae sui natura nec bona sunt, nec mala, sed duntaxat illicita, quia prohibita; quomodo efus ligni in

DE COELIBATV SACER.

medio paradisi Adæ fuit illicitus.

Secundo præmittendum est, ius naturale dispensationem à Deo recipere, & ab ecclesia declarationem seu interpretationem, non in fine siue intentione: quoniam finis operis honestum est & bonum; contra quem nemo dispensare potest, cum nec Deus ipse dispenset, ut quid mala fiat intentione, minusq; q̃ propter malum fiat, quoniam id esset contra seipsum dispensare, & sibi ipsi opus suum aduersaretur. proinde non dispensauit q̃ Israelitæ in exitu Ægypti furtum cōmitterent, q̃ furtum sit contrectatio rei alienæ inuito domino ex auaritiæ libidine, quod est turpissimum: sed dispensauit Deus de actu separato à fine malo, & per consequens a specie & natura furti iungendo illud fini bono. Cum enim ipse omnium sit dominus, potuit Ægyptiorum bona in filios Israel transferre, qui non cōmiserunt furtum res alienas subripiendo, sed ministerium præstitere, ut dixit Augustinus in lib. Quæstionum Exodi. Simili modo in præcepto Abrahæ de occidendo filium, præceptum Non occides, non habuit dispensationem ex parte finis habentis speciem peccati, q̃ scilicet quis innocens nedum filius feruescente ira ad uindictam occideretur: sed dispensatum fuit à Deo ad alium finem; qui fuit probatio obedientiæ, quæ posteris foret exemplo; & ut foret figura sacrificij, quo pater obtulit filium suū pro humani generis redem-

ptione. Hinc sanctus Thomas, Albertus, & Bonaventura qui & alia posuerunt exempla, dixerunt hanc fore causam, q̄ in præceptis decalogi in quibus potest fieri hæc separatio, qualia sunt præcepta secundæ tabulæ, quæ ad proximi dilectionem diriguntur, diuina sit dispensatio, & ab ecclesia diuinæ mentis interpretatio; secus in primæ tabulæ præceptis; quæ immédiate ordinem ad Deum respiciunt.

Tertio præmittendum est, q̄ quemadmodum naturali iure diuinoq; præcepto uotum quis implere tenetur, eodem iure naturali & diuino astringitur parere superioris mandato; quòdq; cum dispensatur in aliqua humana lege, non fit ut humanæ legi non pareatur, quod est contra legem naturæ & diuinum mandatum: sed fit, ut quod erat lex, hoc casu non sit lex sublato legis uinculo. quo etiam modo superioris auctoritate dispensatur in uoto, ut quod sub eo continebatur, nō amplius contineatur, in quantum decernitur hoc casu non adesse cōgruam materiam uoti. Et fuit sententia sancti Thomæ secunda secundæ. q. lxxxvii. ar. x.

Quarto præmittitur, quòd maior est authoritas summi Pontificis in his quæ sunt supererogationis, quàm prælati regularis in sibi subiectos in his, quæ non sunt de necessitate suæ perfectionis cum rationi congruat esse in ad faciendi

prouidisset Deus ecclesiæ suæ, de qua dixit in figura synagogæ, Quid potui facere Vineæ meæ & non feci? Esaï. v. Et si non liceret dispensare cum adest causa quod institutum est propter charitatem, contra charitatem sustineretur, quod improbat D. Bernar. in lib. De precep. & dispen.

95

Ex his colligitur, quòd cū continentia ipsi, qui uouerunt non ex his sit quæ semper bona sunt, aut ex his quæ semper mala & omni casu, cumq; sit dare casum, in quo eius observatio contra charitatem esset, conueniret & deceret, ut si is qui suprema fungitur potestate intellexerit magis expedire Ecclesiæ quempiam nubere, qui continentiam uouisset, quàm seruare castitatem, cum eo possit & debeat dispensare, ut nubat. Proinde pro pace concilianda, ardente bello in quo multorum Strages imminet, aut etiam conseruanda, pro conuersione magni Regis & regni sui ad fidem, & similibus causis poterit etiam cum monacho dispensare. Quis enim ambigat magis ecclesiæ expedire bella sedari, conseruari pacem, Regem aut Reginam cum uniuerso populo ad fidem conuerti; quàm monachum unum, aut monialem perpetuam seruare castitatem? & qui contrarium censeret, necesse foret fateri in errorem lapsos & perperam egisse Rom. Pontifices, qui quandoq; dispensarunt, ut Celestinus iij. cum Constantia Rogerij Siciliæ regis filia Federi-

96

NON ABROGANDO.

ci iij. matre ut Alexander iij. qui Venetijs existens pro reparanda Iustiniana familia cū monacho dispensauit, & alij Pontifices cum Ramiro Aragonum, & Ioanne Notho Portugalie regibus.

97

Sed affert difficultatem Innocentiū iij. decretum, quod habetur in c. Cum ad monasterium. De statu regul. cum rescribens Abbati & conuentui Sublaceñ, inquit. Abdicatio proprietatis sicut & custodia castitatis, adeo est annexa regulę monachali; ut contra eam nec summus Pontifex possit licentiam indulgere. quę secutus sanctus Thomas secunda secundę q. lxxxviij. ar. ij. dixit, quod quoniam continentię uotum ex ecclesię statuto, non autem essentialiter annexum est ordini sacro; in uoto continentię posset ecclesia dispensare, etiam si solenne fuerit per sacri ordinis receptionem. Nō posse autem cū monacho dispensare quoniam essentialiter statui religionis, per quem homo ab renunciauit seculo, totaliter Dei seruitio participatus, quod non potest stare cum matrimonio, in quo incumbit necessitas procurandę uxoris, prolis, & familię iuxta illud Apostoli primę Corinth. cap. vij. quod qui est cum uxore, sollicitus est quę sunt mundi. Sed hunc nodum soluunt sacrorum canonum professores in d. c.

Cum ad monasterium uenisset Rom. Pontifex

nachatui essentialiter annexa sit cōtinentia & paupertas; potest tamen facere de monacho non monachum; cum, qui mōnachus est, absol uendo à religionis uoto; quod est obedientiæ paupertatis, & castitatis. quo casu nō dicemus monachum posse uxorem ducere; sed eū, qui fuit monachus. Et est simile ac si diceremus pa ries albus illustratus lumine non potest nō dis gregare uisum; q̄ albedini tanquam proprie tas inseparabilis sit uisus disgregatio. & ferrum candens non potest non adurere & non calefa cere; & tamen deleta à pariete albedine non amplius uisum disgregabit; nec ferrum igni tum postquàm erit refrigeratum aduret, nec calefaciet. Sicut & seruus cum seruus fuerit, ge rere magistratum non potest; donatus libertate potest. Sic cum quæ essentialia sunt mona chatui, essentialia nō sint personę existenti mo nacho, separari unum ab alio poterit; quod nō credimus fore contra mentem Innocentij & sancti Thomę. Sed eo modo interpretandam eorum sententiam: cum uerisimile nō sit Inno centium ignorasse factum Celestini sui nullo intermedio prædecessoris; quod omnibus inno tescebat, de Cōstantia scilicet moniali Rogerij regis filia matrimonio copulata Henrico. vj.

Quod si quis dixerit, nulla erit ergo differentia in ter monachos, & habentes sacros ordines, quos ea ratione disiunxit sanctus Thom. quòd huic non sit essentialē, illi uero sit. Respondemus q̄

NON ABROGANDO.

imò magna est differentia; quoniam monacho non licet, nisi desinat monachus esse, ordinato licet ipso retinente ordines, & si eorum careat executione.

- 98 Sed alia adhuc occurrit hesitatio, si Rom. Pontifex potest casu aliquo dirimere matrimonium spirituale religiosi faciendo eum de monacho non monachum, & habilem constitucere ad coniugium; uideretur per locum à maiori posse etiam carnale coniugium dirimere, etiam carnis cōmixtione confirmatum. cum difficilius destruantur spiritualia, quàm corporalia. Et propterea cum sepius dirimat coniugium spirituale, quod est inter Episcopum & Ecclesiam translatione, cessione, aut depositione, illum à uinculo, quo ecclesię tenebatur, absoluen- do ex sententia Inno. iij. quę habetur in c. Inter corporalia. De translat. prelat. uidetur etiam dirimere posse carnale coniugium. Respondetur diuersam fore utriusque rationem. quoniam in carnali matrimonio, quod est Ecclesię sacramentum, quis non solum Deo obligatur, sed etiam homini: quia non habent coniuges sui corporis potestatem. In uoto autem quis soli Deo obligatur: quam obligationem remittere potest eius Vicarius, cuius idem est tribunal cū Christo. c. ij. c. Quanto. De traslat. prelat.

DE COELIBATV SACER.

uinculum magis astringat, q̃ unicum. Quòd si quis dixerit, etiam religiosus Deo & homini obligatur, quādo in professione pollicetur obedientiam superiori suo, tradens se ei quodāmodo in seruitutem. Respondetur, q̃ religiosus se tradit in seruitutem non huius uel illius hominis, sed superioris sui recipientis uice Dei obligationem. hinc est, quòd Abbate seu superiore uita functo, aut dignitate amoto, non soluitur eius uinculum: sed manet quousque uiuit; aut is, qui uices Dei gerit in terris, eum absoluerit. Maritus autem uel uxor huic uel illi particulariter alligantur, quod uinculum sola morte dissoluitur.

Quòd etsi hæc potior uideatur sententia, Romanum scilicet Pontificem ex graui & urgente causa dispensare posse cum approbatę religionis professio; ut uxorem ducere possit: non tamen putamus cum his dispensandum; qui auctores fuere schismatis, ne eisdem aut alijs ansam tribuamus importunius petendi abolitionem legis cęlibatus: cum minus indignè statui posset non exigendam in susceptione sacerdotij, aut regularis habitus promissionem perpetuę continentię, quā cum his dispensare, qui se uoto astrinxerunt; inducti etiam alia ratione, quoniam etsi parcendum sit multitudini, cum sine scandalo poenis debitis affici non potest ex sententia Augustini ad Bonifacium, & habetur in c. Vt constitueretur. l. dist. & in c.

217
NON ABROGANDO.

Infideles xxij. q. iij. authores tantum delicti,
& ij quos magis causam delicti esse constitit,
puniendi sunt. c. latores. De cleri, excom. mi-
nistra.

Ex his igitur, quę disseruimus satis perspicue con-
stare credimus Virginitatis, continentię mari-
talis, & Coelibatus dignitatem; iustissimisquę
causis, ausim dicere & necessarijs ab ecclesia
exigi perpetuum Coelibatum à promouendis
ad sacros ordines: eisdemquę de causis non abro-
gandam legem à tot sanctissimis Pontificibus,
à tot sacratissimis concilijs promulgatam. &
quàm infirmę sint rationes, quibus aduersarij
suū errorem stabilire conantur. Gratias itaq;
agimus omnipotenti Deo; qui nos ad finem
huius laboris perducere dignatus est; cui ho-
nor, & gloria in sempiterna secula.

¶ Impressum Venetijs.

M. D. LIIII.

